

**Pol ndê bapia ñamata-nga têng
lau
Korin-nga
Yom whê bapia dindéc sa-nga**

Pol in ɲac ñamata-nga bu hoc ɲawaê ɲayham asê têng lau yêc malac Korin, ma in kôm gwelen mbo malac dau ɲasawa hic baliñ ma kédôhôn lau nañ sic hu sêkên whiñ Yisu (Apo 19:1-17).

Tiñambu Pol mbo whiñ ɲac dom, ma ɲô ɲawaê pi ɲawapac daêsam nañ hôc asê lau sêkên whiñ-nga, ma ɲac sêto bapia têng in ma sêndac in bu whê yom ɲatô sa. Tu dinañ-nga dec in to bapia dindéc têng ɲac, têng têm in dau mbo malac Epesas. ɲawapac ɲatô nañ in to yom pi, nañ lau sêsa lêng mockaiñ-nga, sêwhê dandi kôc-kôc, señ Mwasin Dabuñ ɲa lêng so, sêkôc gauc so pi yom datisa akên lau batê-nga, ma sênjalê yom pi ɲalau Dabuñ ndê mwasin ɲapep dom. Ma ɲac sêtoc mwasin sêsôm yom awha wakuc-nga sa hôc gêlêc mwasin hon.

Pol to yom dindéc têng lau Korin-nga, tigen yom daêsam hêganôn lau sêkên whiñ-nga hon, ma gitôm bu puc yac dôn bu datimêtê dauñ ɲapep ma dasap mêtê ɲayham dôn.

Pol ndê yom ñamata-nga

¹ Aô Pol, nañ Anötö kêgalêm aô sa kêkuc in ndê atac whiñ dec gati Yisu Kilisi ndê †aposel.

Alu yac neŋ asidôwa Sostene ato bapia dindéc
 2 têŋ Anötö ndê gôlôwac dabuŋ yêc malac Korin.
 Alu ato têŋ mac lau hoŋ naŋ ati lau dabuŋ, ŋahu
 bu Anötö piŋ mac dôŋ am damiŋ Yisu Kilisi.
 Aêc, Anötö kêgalêm mac sa bu ati iŋ ndê lau
 dabuŋ, awhiŋ lau akêŋ gameŋ hoŋ, naŋ sêtoc
 yac neŋ Pômdau Yisu Kilisi ndê ŋaê sa. Yisu
 tigeŋ ti yac neŋ Pômdau, ma ŋac si Pômdau
 bocdinaŋ. 3 Mwasinŋ ti yom malô têŋ mac, akêŋ
 Damaŋ Anötö lu Pômdau Yisu Kilisi.

Pol gêm danŋe Anötö tu iŋ ndê mwasinŋ-ŋga

4 Tôm bêc hoŋ aö gam danŋe aneŋ Anötö, tu
 mwasinŋ naŋ iŋ kêŋ têŋ mac tu mac nem akêŋ
 whiŋ Yisu Kilisi-ŋga. 5 Yomandô. Tu mac ati
 Kilisi ndê lau-ŋga, dec Anötö ndê mwasinŋ kêsalê
 mac ahuc, ma gêm mac sa bu aŋyalê Anötö ndê
 yom ma asôm yom dau asê. 6 Ma ŋalêŋ dinaŋ
 Anötö ndê mwasinŋ puŋ ŋawaê naŋ yac ahoc asê
 pi Kilisi, naŋ ŋahu sip ŋalôm gi, naŋ dôŋ yêc mac
 nem ŋalôm. 7 Tu dinaŋ-ŋga têŋ têm dindéc naŋ
 mac hoŋ ambo ti tamkwê ŋandô bu alic bêc naŋ
 Anötö oc hoc yac neŋ Pômdau Yisu Kilisi asê,
 naŋ mac apônda Ŋalau Dabuŋ ndê mwasinŋ danŋ
 dom. 8 Ma Anötö oc puc mac dôŋ bu alhac ŋaŋga
 e bêc naŋ yac neŋ Pômdau Yisu Kilisi mbu meŋ,
 dec mac oc alhac iŋ aŋgô-ŋga ti nem yom me giso
 mbasi. 9 Anötö naŋ kêgalêm mac sa bu piŋ mac
 dôŋ anem damiŋ iŋ ndê Atu Yisu Kilisi, yac neŋ
 Pômdau, naŋ gic bata bu yob mac ŋalêŋ dinaŋ.
 Ma yom hoŋ naŋ iŋ gic bata têŋ yac, naŋ oc kôm
 ŋandô sa.

Yham dom bu Kilisi ndê lau sêwhê dau kôc

¹⁰ O asidôwai. Yac neŋ Pômdau Yisu Kilisi kêkiŋ aö bu wanem gwelenŋ ɲawaê ɲayham-ɲga wanem inŋ aŋgô, ma tu dinaŋ-ɲga dec aö bu w anem la mac bocdec bu. Ahu nem mêtê awê daôm kôc-kôc-ɲga siŋ! Apiŋ daôm dôŋ ma ambo ti ɲalôm tigenŋ bu mac nem yom ti gauc daŋ so dau dom. ¹¹ O asidôwai. Aö gasôm yom dinaŋ ɲahu bu Klowe ndê lau ɲatô sêkêŋ puc aö bu mac nem lau ɲatô sêsenŋ dandi e sêwhê dandi kôc-kôc. ¹² Aö gaŋgô bu mac nem lau ɲatô sêsôm bu sêŋkuc aö Pol, ma ɲatô sêsôm bu sêŋkuc Apolos, ma ɲatô sêŋkuc Pita, ma ɲatô sêsôm bu sêŋkuc Kilisi. ¹³ Oyaê! Mac gauc gêm sake? Kilisi whê dau kôc, a? Lau sic aö Pol lec ndu pi a gicso dau bu nem mac sa, a? Mac aliŋ busaŋgu tu aö neŋ ɲaê-ɲga, a? ¹⁴ Aö gam daŋge Anötö bu aö kaku mac nem lau daêsam dom. Aö kaku Krispas lu Gaius. ¹⁵ Tu dinaŋ-ɲga dec oc tôm dom bu ɲamalac daŋ sôm bu mac aliŋ busaŋgu tu aneŋ ɲaê-ɲga. ¹⁶ Yomandô aö kaku lau naŋ sêmbo Stepanas ndê andu sêwhinŋ, magoc ɲac lau dinaŋ eŋ. Aö bu waŋku mac nem lau ɲatô whinŋ, dec kalhinŋ siŋ su. ¹⁷ Kilisi kêkiŋ aö bu waŋku lau dom, magoc inŋ kêkiŋ aö bu wanem mêtê. Ma ɲawaê naŋ gahoc asê pi Kilisi ndê mbac ndu pi a gicso dau, naŋ yom ti ɲaclai atu. Bocdinaŋ aö taŋkwê gauc atu-tu nom-ɲga bu nem aö sa tu wanem mêtê-ɲga dom. Mba! Aö gatec bu wakôm a gicso dau ndê ɲaclai ti gêŋ ɲambwa.

Kilisi tôc Anötö ndê ɲaclai ti gauc atu asê

¹⁸ Aö gasôm yom dinan, ñahu bu ñawaê pi Yisu ndê mbac ndu pi a gicso dau, tôte Anötö ndê ñaclai asê têtj yac lau nan in bu nem yac si. Magoc lau nan sic waê bu sêninnga, nan sênngô yom pi a gicso dau gitôm yom gauc mbasi-nga.

¹⁹ Bu sêto Anötö ndê yom dan yêc bocdec bu:

Lau ti gauc atu-tu nom-nga, ma ñac nan gauc gêm bu sênnyalê gêtj hon ñahu, nan wasen ñac si gauc su, ma watôt asê bu gêtj ñambwa. *[Ais 29:14]*

²⁰ Bocdinan, mac lau tigua ma gwalam akwa ma mac lau nom-nga nan ansahê bu akip gêtj hon ñahu sa, mac nem gauc dau ñandô nde? Anötö tôte asê bu ñamalac si gauc atu-tu nom-nga, in gitôm gêtj gauc mbasi-nga. ²¹ Ma in tôte in ndê gauc atu asê bocdec bu. In kôm bu lau nom-nga sêtôm dom bu sênnyalê in ña ñac dau si gauc. Ma in ndê ñawaê ñayham nan yac ahoc asê, nan lau nom-nga sêlic bu yom gauc mbasi-nga. Tigen Anötö dau gêlic ñayham bu nem lau nan sêkêtj whin ñawaê dau, nan si. ²² Lau Israel-nga takwê bu sêlic gêtj dalô. Ñac bu sêlic, dec oc sêkêtj whin. Ma lau Grik sênnyalê yom ti gauc atu, bu sênngô dec oc sêkêtj whin. ²³ Magoc yac mba mêtê hêganôn Kilisi ti in ndê mbac ndu pi a gicso dau. Yom dau kêkuc gêtj nan lau Israel-nga takwê, nan dom, ma bocdinan dec sêkêtj whin dom. Ma lau Grik sêlic gitôm yom gauc mbasi-nga. ²⁴ Magoc lau Israel ti lau Grik bocke nan Anötö kêgalêm ñac sa sêti in ndê, nan sêkôt yac mba yom pi Kilisi sa, ma sênnyalê bu in Anötö ndê ñaclai ti gauc ñahu. ²⁵ Bu gauc nan Anötö

kêkuc, dec kêmasañ lêt bu Yisu sip nom men ma mbac ndu pi a gicso dau, nañ lau sêlic bu lêt gauc mbasi-nga. Magoc Anötö ndê gauc dau hôc gêlêc ñamalac si gauc atu-tu hoñ. Ma Anötö ndê lêt dinañ, lau sêlic bu lêt ñaclai mba-nga, magoc hôc gêlêc ñamalac hoñ si ñaclai su.

²⁶ O asidôwai, akôc gauc pi daôm. Têt ndoc mac aňgô ñawaê ñayham tiwakuc ma atap Anötö ndê galem sa, nañ mac ambo atôm lau tiguauc me lau ti ñaclai atu, me lau tiwaê? Mba!

²⁷ Anötö tac whiñ bu êñyaliñ lau nañ lau nom-nga sêlic bu lau gauc mbasi-nga, ma lau ñaclai mba-nga, nañ sa, tu bu kôm lau tiguauc ma lau tiñaclai maya sa têt bêc ñambu-nga. ²⁸ Lau nañ lau nom-nga sêpu ma sêlic bu lau waêmbe ma lau ñambwa, nañ Anötö kêyaliñ ñac sa, tu bu êngwiniñ lau nañ sêtoc dau sa-nga. ²⁹ Tu dinañ-nga dec gitôm dom bu lau dañ sênggiyañ dau sa yêc Anötö aňgô-nga. ³⁰ Bu Anötö dau piñ yac dôñ tam damiñ Yisu Kilisi, nañ ti yac neñ gauc ñahu. Ma Kilisi dau ti yac neñ ñahu dati lau gitêt ti lau dabuñ-nga, ma iñ ti ñahu Anötö gêm yac si-nga. ³¹ Bocdinañ, aňkuc yom nañ sêto yêc, nañ sôm bocdec bu:

Asa nañ bu po dau sa, nañ po dau sa tu
Pômdu-nga eñ. *[Jêr 9:24]*

2

Pol gêm mêtê ña iñ dau ndê gauc ti licwalô dom

¹ O asidôwai, gauc nem têt ñamata-nga nañ aô gahôc asê mac. Têt ndoc dinañ aô gahêgo dauñ pi yom ñayham-ñayham me yom ti gauc

atu-tu tu bu wawhê Anötö ndê yom sa têtj mac-nga dom. Mba! ² Aö gahu yom pi gêtj daêsam sinj, nahu bu aö gauc gêm tidônj bu wasôm yom pi Yisu Kilisi tawasê, ma pi inj ndê mbac ndu pi a gicso dau. ³ Têtj têtj aö gahôc asê mac, nanj aö gamenj tôm ngac ti licwalô dom. Aö gatôc dauj ma katitec nandô tu gwelenj nanj Anötö kêtj sip aö amanj-nga. ⁴ Ma aö gam mêtê ti gasôm yom têtj mac kakuc gauc atu-tu nom-nga tu wambac yom mac-nga dom. Aö gasôm anenj yom ma Anötö ndê Nalau têtj inj ndê nâclai asê bu puc anenj yom dônj. ⁵ Nâlênj dinanj mac nem akêtj whinj nahu sip anenj gauc me nâmalac si gauc dom, magoc sip Anötö ndê nâclai.

Nalau têtj Anötö ndê gauc atu asê

⁶ Bocdinanj, têtj ndoc yac bu anem mêtê, nanj tanjkwê gauc atu-tu nom-nga tu puc yac mba yom dônj-nga dom. Mba. Magoc yac bu ambo awhinj lau nanj sêkêtj whinj nanjga, nanj dec oc tôm bu yac asôm yom ti gauc atu-tu têtj nâc. Magoc yom dau kêtjuc lau nom-nga si gauc, me gôlinjwaga têtj dindêc-nga nanj oc sêninjga, nanj si gauc dom. ⁷ Mba. Yom nanj yac ahoc asê, nanj kêtjuc Anötö ndê gauc, ma hêganônj lêtj nanj inj kêmasanj munj-nga andô lê, tu bu nem yac lau nanj dakêtj whinj Yisu, nanj si, ma datap inj ndê nâwasi sa. Lêtj dau kêtjuc inj ndê gauc atu, nanj nahu sip nâlôm gi, ma yêc sinj dau têtj lau nom-nga. ⁸ Gôlinjwaga têtj dindêc-nga danj sênyalê lêtj dau nahu dom. Nâc bu sênyalê, dec oc tôm dom bu sêkic yom bu sêndic Pômdau Nâwasi Nâdau ndu pi a gicso dau. ⁹ Magoc nâc sênyalê dom. Tôm Anötö ndê

yom nanj sêto yêc munj su, nanj whê sa bocdec bu:

Gên n̄ayham nanj Anötö kêmasan̄ gwanan̄ tu lau nanj atac whin̄ in̄-nga, nanj lau danj sêlic dom, danj sêngô n̄awaê dom, ma lau danj sênyalê dom. *[Ais 64:4]*

¹⁰ Tigen̄ Anötö ndê N̄alau tôc gên̄ dau asê têt̄n̄ yac. Bu N̄alau dau kip gên̄ hon̄ n̄ahu sa, ma kêyalê gên̄ hon̄. Ma in̄ kêyalê Anötö ndê gauc atu-tu, nanj n̄ahu sip n̄alôm gi, nanj whin̄.

¹¹ An̄gô! Asa gitôm bu ênyalê yom nanj n̄amalac danj gauc gêm yêc ndê n̄alôm? Lau danj sênyalê dom, magoc n̄amalac dau ndê n̄alau kêyalê in̄ ndê gauc. Ma bocdinañ lau danj sênyalê Anötö dau ndê gauc dom, magoc Anötö ndê N̄alau tawasê kêyalê. ¹² Anötö tac whin̄ bu yac tan̄yalê mwasin̄ nanj in̄ kêt̄n̄ têt̄n̄ yac n̄ambwa. Tu dinañ-nga dec n̄alau nanj in̄ kêt̄n̄ têt̄n̄ yac, nanj n̄alau nom-nga danj dom, magoc in̄ dau ndê N̄alau.

¹³ Ma yac ahoc yom asê pi Anötö ndê mwasin̄ dau. Magoc yac asôm yom an̄kuc gauc atu-tu nanj lau nom-nga sêtoc sa, nanj dom. Yac asôm asê tôm N̄alau Dabuñ kédôhôn̄ yac. Yom n̄andô pi gwelen̄ nanj Anötö kôm tu yac nen̄ gatun̄-nga, nanj yac asôm asê têt̄n̄ lau nanj N̄alau Dabuñ mbo n̄ac si n̄alôm, an̄kuc yom ti gauc nanj N̄alau dau kêt̄n̄ têt̄n̄ yac. ¹⁴ Magoc lau nanj Anötö ndê N̄alau mbo n̄ac si n̄alôm dom, nanj oc sêtôm dom bu sêkôc yom nanj N̄alau dau kédôhôn̄ yac, nanj sa. N̄ahu bu n̄ac sêlic gên̄ dau gitôm gên̄ gauc mbasi-nga, ma tôm dom bu sênyalê. N̄alên̄ tigen̄ nanj tôm bu sênyalê, nanj N̄alau Dabuñ whê n̄ac si gauc sa. ¹⁵ Bocdinañ yac lau nanj dakôc N̄alau

Dabuŋ sa su, naŋ datôm bu taŋsahê ti taŋyalê gêŋ hoŋ ŋahu. Magoc lau naŋ sêkôc Nalau sa su dom, naŋ sêtôm dom bu sêŋyalê yac neŋ ŋahu. ¹⁶ Gauc nem Anötö ndê yom daŋ, naŋ sêto yêc bocdec bu:

Asa kêyalê Pômdau ndê gauc, ma asa gitôm bu êndôhôn iŋ? *[Ais 40:13]*

Lau nom-ŋga daŋ sêŋyalê dom, magoc yac taŋyalê, ŋahu bu Nalau Dabuŋ tôc Kilisi ndê gauc asê têŋ yac.

3

Lau Korin-ŋga sêkêŋ whiŋ gwalec

¹ O asidôwai hac. Têŋ ndoc aô gambo gawhiŋ mac, naŋ aô gasôm yom têŋ mac tôm gasôm têŋ lau nom-ŋga naŋ Nalau Dabuŋ gêm gôliŋ ŋac dom. Ŋahu bu mac atôm balêkoc dedec tu nem lêŋ akêŋ whiŋ Kilisi-ŋga. ² Yom naŋ aô gasôm têŋ mac, naŋ tôm aô gakêŋ mac anôm su ŋambwa. Bu mac atôm balêkoc dedec naŋ sêtôm dom bu sêneŋ gêŋ ŋaŋga. Ma kwahic d ec aô galic bu mac ambo bocdinaŋ ŋapaŋ. ³ Ŋahu bu tôm bêc hoŋ mac am lêmuŋ ti asenŋ daôm ŋapaŋ. Mac asap lêŋ nom-ŋga dôŋ ŋapaŋ, dec tôc asê bu mac aŋkuc lêŋ ŋalôm akwa-ŋga, ma Nalau Dabuŋ gêm gôliŋ mac nem lêŋ dom. ⁴ Bu mac awê daôm kôc-kôc, ma mac nem lau ŋatô sêsôm bu sêŋkuc aô Pol, ma ŋatô sêsôm bu sêŋkuc Apolos. Mac nem gauc dinaŋ iŋ gauc nom-ŋga ŋambwa.

Aposel sem gwelenŋ sêtôm lau akiŋ ŋambwa

⁵ Aö bu wandac mac bu Apolos i ñ asa? Ma aö Pol dec aö asa? Anğô su nañ. Yac lau akiñ ñambwa, nañ ahoc Pômdau ñawaê asê, ma tu ñawaê dinañ-ñga dec mac akêñ whiñ iñ. Yac akôm mba gwelenñ têtêtêñ tôm iñ kênñ têtêñ yac. ⁶ Aö d auñ gatôm ñgac nañ sô gêtêñ ñawhê sip nom. Ma Apolos iñ gitôm ñgac nañ kêsôwê bu sip gêtêñ ñawhê nañ aö gasô. Magoc Anötö dau kôm gêtêñ dau po pi meñ. ⁷ Bocdinañ atoc ñgac nañ sô gêtêñ, me ñgac nañ kêsôwê bu, nañ sa dom, bu alu ñgac akiñ ñambwa. Atoc Anötö sa, bu iñ kôm gêtêñ po tiatu. ⁸ Ñamalac nañ sô gêtêñ ñawhê, ma ñamalac kêsôwê bu sip-ñga, iñlu lu-lu si gwelenñ ñahu tigeñ. Ma Anötö oc kênñ ñaôli têtêñ iñlu, êñkuc gwelenñ nañ iñlu sêkôm. ⁹ Gwelenñ ñawaê ñayham-ñga nañ yac akôm ambo mac ñalôm, nañ gitôm yac akôm gwelenñ yêc yac mba ôm têtêtêñ dom. Mba. Bu mac hoñ atôm Anötö ndê ôm tigeñ, ma yac atôm iñ ndê lau akiñ nañ akôm gwelenñ yêc ôm dau.

Gôlôwac dabuñ sêtôm Anötö ndê andu

Ma mac atôm Anötö ndê andu nañ iñ bu kwê sa. ¹⁰ Tôm Anötö ndê mwasiñ puc aö dônñ dec aö gam mêtê mac. Aö gakôm gwelenñ dinañ gitôm gwalam akwa kwê andu-ñga, nañ kêsuhunñ alhõ sip nom gi. Ma lau ñatô nañ sem gwelenñ mêtê-ñga sêñkuc aö, nañ sêtôm lau nañ sic dañ ti lélôm ma akiñkwa pi alhõ nañ aö kasuhunñ munñ su. Mac lau asa nañ bu akôm gwelenñ tu andic dabiñ andu dau-ñga, nañ ayob daôm bu akôm gwelenñ dau ñapep eñ. ¹¹ Bu Yisu Kilisi tawasê iñ ti yac neñ dakêñ whiñ ñahu. Kilisi dau

gitôm alhö nañ Anötö kên bu lau sêkwê andu pi-nga, ma alhö ñandô dan yêc dom. ¹² Lau ñatô sêkôm gwelen ñayham tu bu sêkwê andu sa pi alhö dau, nañ gitôm sêkwê andu ña gol me silba me hoc ñayham. Magoc lau ñatô sêkôm gwelen bambalin, nañ gitôm sêkwê andu ña gên ñambwa gitôm kwan me a babalê. ¹³ Têñ béc ñambu-nga Anötö oc êñsahê lau tigen-tigen si gwelen ña ya, ma ya oc tôc ñac si gwelen ña-ñandô asê tiawê. ¹⁴ Ñac nañ sêkôm gwelen ñayham, nañ si gwelen ña-ñandô oc gacgen yêc. Ya oc neñ su dom, ma ñac oc sêtap si ñaôli sa. ¹⁵ Magoc ñac nañ sêkôm gwelen bambalin, nañ ya oc êñsahê ñac si gwelen ma neñ hoñ su ñinga. Ñac lau dau oc sêwê sa yêc yawahô, magoc ñac si gwelen ñandô dan oc gacgen yêc dom.

Lau sêkên whin-nga si ñahu yêc nom dom

¹⁶ O lauhac! Mac atôm Anötö ndê lôm dabuñ, ma Anötö ndê Ñalau mbo mac nem ñalôm. Mac añyalê yom dinañ, me mba? ¹⁷ Yomandô, mac atôm Anötö ndê lôm, ma lôm dau in gên dabuñ. Tu dinañ-nga asa nañ kôm Anötö ndê andu dabuñ tisac, nañ Anötö oc kôm in tisac bocdinañ.

¹⁸⁻²⁰ Añsau daôm pi gauc nañ lau nom-nga sêlic bu gauc atu-tu, nañ dom. Bu gauc nañ lau nom-ng a sêlic bu gauc atu-tu, nañ Anötö gêlic tôm gên gauc mbasi-nga. Tôm yom nañ sêto yêc, nañ sôm bocdec bu:

Gauc atu-tu nañ ñamalac sêtoc dau sa pi, nañ Anötö oc nem kwi ti ñac si akô bu sêsip sêndi-nga. *[Job 5:13]*

Ma yom dan tiyham sêto yêc bocdec bu:

Pômdau kêyalê gauc nañ lau nom-nga sêtoc sa ti gauc atu-tu, ma inñ gêlic gitôm gêñ nandô mbasi-nga. *[BW 94:11]*

Bocdinañ, mac nem asa nañ gauc gêm bu inñ ñamalac ti gauc atu-tu pi gêñ nom-nga, magoc kêyalê Anötö dom, nañ hu gauc nom-nga siñ, ma ti ñamalac gauc mbasi-nga. Ma ñalêñ dinañ dec oc tôm bu inñ ti ñamalac tiguauc yêc Anötö anğô-nga.

²¹ Bocdinañ dec atoc daôm sa tu anğuc aö Pol, me Apolos, me ñamalac dañ-nga dom! Bu gêñ ñayham hoñ nañ tôm bu po mac sa, nañ meñ akêñ Anötö tigen. ²² Inñ kêkinñ aö Pol, lu Apolos ma Pita atôm lau akinñ, tu bu anem mac sa-nga. Ma mac nem gameñ ambo-nga ti nem têm ambo tamli-nga ma têm ambac ndu-nga, gêñ nañ kwahic dec sêmbo ti gêñ nañ oc sêhóc asê tiñambu, gêñ hoñ dinañ Anötö ti ñadau ma kêñ têt mac bu nem mac sa. ²³ Ma Anötö tigen piñ mac dôn am damiñ Kilisi, ma Kilisi ndê ñahu yêc Anötö dau.

4

Lau aposel si gwelenñ ti sakinñ

¹ Bocdinañ, alic yac atôm Kilisi ndê lau akinñ ñambwa, nañ inñ gêlic yac atôm bu akôm inñ ndê gwelenñ, dec kêñ Anötö ndê yom nañ ñahu sip ñalôm gi, nañ sip yac amanñ. ² Ma yac hoñ tañyalê su, bu yac neñ ñadau bu kêñ gwelenñ sip yac amanñ, nañ dayob ñapep dandic ñawaê. ³⁻⁴ Bocdinañ inñ lêt solop bu yac datôc gwaniñ yac neñ gwelenñ ti sakinñ tu bu tañsahê bu yac akôm

ɲapep me mba. Aö neɲ atac pa su pi gwelenɲ naɲ Anötö kên sip aö amanɲ. Tigenɲ yom dinanɲ whê aö sa bu aö ɲgac akiɲ gitêɲ lec dom. Aö gahêgo dauɲ tu gauc bocke mac akôc, me lau ɲatô sêkôc, me aö dauɲ gakôc pi aneɲ sakiɲ-ɲga lec dom. Bu Pômdau tawasê ti ɲadau bu êɲsahê aö-ɲga. ⁵ Bocdinanɲ gauc nem bu aɲsahê lau pi ɲac si lêɲ ti sakiɲ ɲagahô dom, ahônɲ Pômdau ndê bêc bu mbu meɲ-ɲga. Têɲ dinanɲ gêɲ naɲ siɲ dau yêc ɲasec ɲalôm, ma gauc honɲ naɲ yêc ɲamalac si ɲalôm, naɲ Pômdau dau oc hoc asê tiawê. Ma têɲ dinanɲ lau honɲ naɲ sic waê bu sêtap waê sa, naɲ oc sêtap sa akêɲ Anötö tôm ndi.

⁶ O asidôwai hac. Aö gato yom dinanɲ pi alu Apolos gitôm yom gôliɲ daɲ, tu bu wawhê mac nem gauc sa-ɲga. Aö bu wandôhônɲ yom ɲalhô daɲ têɲ mac, naɲ sêsôm bocdec bu, “Ayob bu akôm gêɲ daɲ so Anötö ndê yom naɲ sêto yêc, naɲ dom.” Mac bu aɲyalê yom dau ɲahu, dec oc tôm dom bu mac atoc ɲamalac daɲ sa hóc gêlêc daɲ su. ⁷ Am asa naɲ toc daôm sa, naɲ ɲgô. Asa sôm bu am hóc gêlêc lau ɲatô? Ma am nem gêɲ sake yêc, naɲ am tap sa yêc Anötö ndê dom? Ma am nem gauc ti gêɲ ɲayham honɲ bu meɲ akêɲ Anötö, dec tu sake-ɲga am toc daôm sa bu am nem gêɲ honɲ ɲahu am daôm?

⁸ Bocke? Anötö ndê mwasinɲ kêsâlê mac ahuc su, a? Mac gauc gêm bu mac atôm lau ti lêlôm Anötö ndê mwasinɲ-ɲga, a? Mac atap têm ɲambu-ɲga sa su, dec andôc atôm kiɲ ma kwin ma am gôliɲ awhinɲ Kilisi, magoc yac hic lec mba, a? Oyaê! Têm dau bu meɲ sa su, dec

oc ñayham kêlêc, ma bocdinañ dec oc tòm bu yac hoñ danem gôliñ dawhiñ daun. Magoc mba! ⁹ Bu yac lau aposel ambo nom atôm lau waêmba nañ atinambu lau hoñ, ma atôm lau nañ sêkic yom bu sêndic ñac ndu. Aö gauc gêm bu Anötö kêgwiniñ yac ma kên yac ambo bocdinañ atôm dôhôn bu lau hoñ ma añela sêwhiñ sêlic. ¹⁰ Tu Kilisi-ñga dec lau nom-ñga sêlic yac atôm lau gauc mbasi-ñga. Magoc yêc Kilisi ndê lau ñalôm, mac apo daôm sa bu ati lau ti gauc atu-tu, a? Yac lau licwalô mba, magoc mac lau ti licwalô atu, a? Bocke dec mac lau ti waêm, magoc yac hic lec lau waên mba? ¹¹ Ñasawa baliñ su e meñ tên kwahic dec, yac ahôc ñawapac daêsam. Gên yô yac, bu yô yac, yac mba ñakwê mbasi, lau sic yac, ma yac mba gameñ andöc-ñga mbasi. ¹² Yac aman am gwelen atu tu akôm kwan daun-ñga. Lau sêpu yac, tigen yac am mbec ñac ô. Sêkên kisa yac, magoc ahôc ti atac pa su. ¹³ Lau sêsec yac, magoc yac asôm yom malô ô. Sêlic yac atôm gên ñapopoc nom-ñga ñambwa. Ñawapac kain dinañ yac ahôc ñapañ.

¹⁴ Aö gato yom dinañ tu bu wakôm mac mayam daôm-ñga dom. Mba. Aö galic mac tòm aneñ balêkoc atac whiñ-ñga, ma tu dinañ-ñga dec gato tu wakên puc mac-ñga. ¹⁵ Yêc Kilisi ndê gôlôwac dabuñ ñalôm, lau daêsam sêmbo, nañ sêtôm bu sêndôhôn mac. Tigen tôm dom bu mac alic ñac tôm damami. Magoc aö galic daun tôm mac damam, ñahu bu mac akên whiñ Yisu Kilisi tu ñawaê ñayham nañ aö gahoc asê pi iñ-ñga. ¹⁶ Tu dinañ-ñga dec wanğilí mac bu añkuc aneñ

lên. ¹⁷ Ma bocdinañ dec aö bu wañkin Timoti têt mac loc. In sap Pômdau dôn ñaᅇa en, ma in aneñ balê atac whiñ-ᅇa solop. Aneñ yom ti lên hoñ nañ gasa tu kakuc Yisu Kilisi-ᅇa, nañ in oc whê sa bu kêt gauc mac. Ma in oc êndôhôn mac êᅇkuc mêtê nañ aö gam, ma yom nañ aö daun kadôhôn têt gôlôwac dabuñ yêc gameñ hoñ.

¹⁸ Mac nem lau ñatô sêtoc dau sa kêtêc ma sêpu aö ti aneñ yom, ᅇahu bu ᅇac gauc gêm bu aö oc watêñ mac waloc dom. ¹⁹ Tigeñ Pômdau bu lic ᅇayham, dec ᅇasawa saun en aö oc waloc. Ma aö oc wakip lau nañ sêtoc dau sa, nañ si yom ᅇahu sa. Ma gêt dañ whiñ, nañ oc wañyalê ᅇaclai bocke dec puc ᅇac dôn. ²⁰ Bu lau nañ Anötô gêm gôliñ ᅇac, nañ sêsôm yom ᅇambwa dom, magoc Anötô ndê ᅇaclai puc ᅇac si yom dôn. ²¹ Bocke? Mac atac whiñ bu aö waloc ma wamatôc mac tôm damba nañ hi in ndê balêkoc ᅇa sô, me mac atac whiñ bu aö waloc ma wañkuc mêtê atac whiñ-ᅇa ti lên yom malô-ᅇa?

5

Yom pi ᅇac mockaiñ-ᅇa

¹ Lau daêsam sêᅇgô ᅇawaê pi ᅇac mockaiñ-ᅇa dañ nañ mbo mac nem gôlôwac dabuñ ᅇalôm. Yac gauc gêm bu lau sambuc sêkôm mêtê sac, magoc ᅇac oc sêkôm mêtê sac sambuc gitôm ᅇac dinañ kôm, nañ dom. In gêm awhê nañ in damba gêm muñ su. ² Bocke? Mac atoc daôm sa ma alic mêtê dau ᅇayham, a? Oc tôm bu in ndê mêtê kôm mac nem ᅇalôm ᅇawapac ma mayam daôm atu, e atin in su yêc gôlôwac dabuñ ᅇalôm.

Magoc tu sake-nga mac akôm dom? ³ Kwahic dec aô gambo ahê mac, magoc aneņ ņalôm sambuc yêc whiņ mac. Ma aô gauc gêm lêņ tamatôc ņgac dau-ņga gwananņ su, gitôm aô daun gambo gawhiņ mac ma yac tamatôc iņ. ⁴ Tu yac neņ Pômdau Yisu ndê ņaê-ņga, aô wasôm têņ mac bu akac daôm sa ma amatôc giso dau. Anyalê bu Pômdau Yisu ndê ņaclai yêc mac, ma aneņ ņalôm sambuc yêc whiņ mac bocdinaņ. ⁵ Atiņ ņgac dau su yêc gôlôwac dabuņ ņalôm, ma akêņ iņ mbu sip Sadaņ ndê gôliņ ņapu. Nalêņ dinaņ dec mboe iņ oc nem dau kwi ma hu ndê mêtê ņalôm akwa-ņga siņ. Ma bocdinaņ dec têņ Pômdau ndê bêc êmatôc lau-ņga, iņ ndê gatu oc niņga dom.

⁶ Mac atoc daôm sa yham dom. Gauc nem yist. Mac anyalê su bu yist ņagec oc êņsôwec malô-malô yêc bolom ņalôm e nem bolom sambuc ahuc. Ma mêtê sac gitôm bu êņsôwec yêc gôlôwac dabuņ ņalôm gitôm yist. ⁷ Tu dinaņ-ņga dec atiņ ņgac mockaiņ-ņga dinaņ su yêc gôlôwac dabuņ ņalôm, bu iņ ndê mêtê ņalôm akwa-ņga gitôm yist. Ma bocdinaņ dec mac oc ambo atôm bolom wakuc yist mbasi-ņga. Bu Kilisi, naņ sic ndu gitôm Domba †Pasowa-ņga, naņ kêgaho mac su yêc lêņ ņalôm akwa-ņga, dec mac ati lau wakuc su. ⁸ Bocdinaņ dec atec yist akwa naņ ņahu sip mêtê sac, tôm lau Israel-ņga naņ sêkôc yist hoņ su yêc ņac si andu têņ ndoc Pasowa-ņga. Ma asa nem lêņ tiwakuc, tu bu andi atôm bolom yist mba-ņga, naņ ņahu hêganôn lêņ ņawasi ma lêņ yom ņandô-ņga.

⁹ Aö gato bapia danj têtj mac munj su, ma gasôm têtj mac bu andic ahê lau mockaij-nga. ¹⁰ Aö gato yom dau hêganônj lau sambuc dom. Aö gato hêganônj lau nanj sêmbo gôlôwac dabuj njalôm, nanj sêkôm sac. Nahu bu lau sambuc si lêtj mockaij-nga me mêtê sênej gêtj njawahô-nga me mêtê sênsau lau tu sêngaho njac si gêtj-nga me lêtj sênem akiñ gwam-nga, nanj gêm nom ahuc sambuc. Ma aö bu wasôm têtj mac bu andic ahê lau sambuc ti njac si lêtj sac, dec oc tôm dom bu mac atap njasawa danj sa yêc nom tu ambo-nga. ¹¹ Aö gasôm têtj mac bu andic ahê njamalac bocke nanj sam dau bu njamalac kêñ whiñ-nga, magoc kôm sac njapanj. Mac nem asa nanj kôm mêtê mockaij-nga, me gêtj gêtj njawahô, me gêm akiñ gwam, me sôm yom sac-sac, me nôm gêtj e kêñiñ iñ, me kêsau lau bu êngaho njac si gêtj, nanj andic ahê iñ njapep. Andöc awhiñ iñ, ma anej gêtj awhiñ iñ dom.

¹²⁻¹³ Gwelenj tamatôc lau nanj sêmbo gôlôwac dabuj njalôm dom, nanj gic waê yac dom. Anötö dau oc êmatôc njac. Magoc lau nanj sêmbo gôlôwac dabuj njalôm bu sêkôm sac, dec iñ yac neñ gwelenj bu tamatôc njac. Akôm tôm yom nanj sêto yêc, nanj sôm bu:

Njamalac bocke nanj kôm sac, nanj atiñ iñ su
yêc mac nem toñ njalôm. *[Diu 17:7]*

6

Lêtj tamatôc njawapac-nga

¹ Tu sake-nga dec mac akêtj lau sêkêtj whiñ-nga si yom têtj njac êmatôc yom-nga nanj

kêñ whiñ dom, bu êmatôc? Yom dan bu yêc ñamalac sêkêñ whiñ-ñga lu ñasawa, dec mac daôm amasañ. ² Anyalê tidôñ! Têñ ndoc Yisu mbu meñ, nañ Anötö oc kêñ gwelen sip i ñ ndê lau dabuñ amba, bu sêmatôc lau nom-ñga. Gwelen dau iñ gwelen atu andô, ma yom nañ kwahic dec yêc lau sêkêñ whiñ-ñga ñasawa, nañ gitôm gêñ sauñ. Boc-dinañ dec mac atôm bu amatôc. ³ Ma anyalê gêñ atu dan tiyham. Yac oc tamatôc añela sac si yom whiñ. Bocdinañ têtêm kwahic dec-ñga yac datôm bu tamatôc yom bocke nañ yêc yac ñasawa. ⁴ Tu dinañ-ñga dec yom bu yêc mac nem ñamalac lu ñasawa, nañ tu sake-ñga mac akêñ têtê lau nañ si ñaê mba yêc gôlôwac dabuñ ñalôm, bu sêmatôc? Mac daôm atôm dom bu amatôc, a? ⁵ Aö gato y om dindec bu wakôm mac mayam daôm. Bocke? Yêc mac nem gôlôwac dabuñ ñalôm, ñamalac tiguaç nañ gitôm bu êmatôc lau sêkêñ whiñ-ñga si yom, nañ dan mbo dom, a?

⁶⁻⁷ Bocke dec mac nem dan kêñ iñ ndê asidôwa dan kalhac lau nañ sêkêñ whiñ dom, nañ anğô-ñga, tu bu sêmatôc iñlu si yom-ñga? Tu mac akôm bocdinañ-ñga dec ku mac nem lêt anğuc Kilisi-ñga dulu su. Mac nem lau sêkêñ whiñ-ñga ñatô bu sêkôm sac têtê mac, me sêsôm yom tasan bu sêtğaho mac nem gêñ ñatô su, dec wasôm têtê mac bu ahu gêñ dau siñ têtê ñac ma ahôc ñawapac dau! ⁸ Magoc mac akôm dom. Mac daôm akôm sac têtê daôm, ma anğaho nem asidôwai si gêñ su.

Lau sac oc sêtap undambê sa dom

⁹ Anġô ma aňyalê! Lau naň sêkôm mêtê sac, naň si daň oc wêkaiň ndê mala yêc Anötö ndê gameň undambê-ňga dom. Akôc gauc ňapep ma aňsau daôm dom! Lau naň sêkôm mêtê mockaiň-ňga ňalêň tidau-tidau naň so pwac naň Anötö kêmatiň tidôň tu lauwhê ma launġac sênem dandi-ňga, launġac naň sêkêň dau têň launġac ňatô, lau naň sem akiň gwam, ¹⁰ lau kaň, lau naň seň ġêň ňawahô, lau naň sênôm ġêň e kêňiň ňac, lau naň sêsôm yom sac-sac, lau naň sêňsau lau tu sêňgaho ňac si ġêň-ňga, lau kaiň dinaň si daň oc wêkaiň ndê mala yêc Anötö ndê gameň dom. ¹¹ Muň-ňga mac nem lau ňatô sêsa lêň sac bocdinaň. Tigeň kwahic dec yac neň Anötö kôm gwelen pi mac ňa iň ndê ňalau Dabuň. Iň kêgwasiň mac nem sac hoň su ġiňga, ma kôm mac ati lau dabuň ma lau ġitêň tu Pômdau Yisu Kilisi ndê ňaê-ňga.

¹² Mac nem lau ňatô sêsôm yom bocdec bu, “ġêň hoň ġitôm bu yac dakôm. Yao daň yêc dom.” Magoc aô wasôm têň mac bu ġêň hoň oc nem yac sa dom. Yomandô, ġêň hoň ġitôm bu yac dakôm, ma yao daň yêc dom. Magoc aô dauň gatec bu ġêň daň nem ġôliň aô. ¹³ Ma mac nem lau ňatô sêsôm bu, “Anötö kêň ġêň daneň-ňga tu ňatac-ňga, ma kêň ňatac tu ġêň daneň-ňga-ňga. Magoc iň oc seň ġêň daneň-ňga ma ňatac lu-lu su sêniňga.” Tu ňac si yom dinaň-ňga dec sêlic si ňamlic tôm ġêň ňambwa-ňga ma sêkêň si ňamlic bambaliň tu sêkôm mêtê mockaiň-ňga tidau-tidau. Magoc anġô! Anötö kêmasaň yac ne ň ňamlic tu danem akiň Pômdau-ňga, ma

Pômdau ndê gwelenj nem yac si-nga gic waê yac gatunj tigenj dom, magoc gic waê yac nenj namlic whinj. ¹⁴ Anötö ndê ñaclai unj Pômdau sa akênj lau batê-nga, ma oc unj yac sa ti namlic sambuc bocdinañ.

¹⁵ Anjô su nanj! Mac nem akênj whinj pinj mac dôñ am daminj Kilisi, dec kôm mac nem namlic ti inj ndê ñandô ñadañga danj. Mac anyalê yom dindec, me mba? Ma bocke dec mac alic ñayham bu akôc Kilisi ndê ñandô ñadañga ma asap pi awê mockainj-nga? Lênj dau sac sambuc!

¹⁶ Ngac danj bu yêc whinj awê mockainj-nga danj, nanj injlu sêti namlic tigenj. Mac anyalê, me mba? Gauc nem Anötö ndê yom nanj sêto yêc bocdec bu:

Injlu oc sêti gênj tigenj. *[Gen 2:24]*

¹⁷ Magoc asa nanj sap Pômdau dôñ, nanj Ñalau pinj injlu dôñ sêti gênj tigenj.

¹⁸ Bocdinañ alhõ su yêc mêtê mockainj-nga. Bu asa nanj kôm mêtê mockainj-nga nanj kôm mêtê sac tênj dau namlic, bu mêtê dau kâyainj inj ndê namlic hôc gêlêc mêtê sac ñatô nanj inj bu kôm.

¹⁹ Anjô! Anötö kênj Ñalau Dabunj tênj mac lau tigenj-tigenj ma inj mbo nem ñalôm, dec mac nem namlic gitôm Ñalau ndê lôm dabunj. Anyalê, me mba? Mac ñadau daôm dom. ²⁰ Mba! Anötö gêmlihi mac su ati inj ndê, ña ñaôli atu. Tu dinañ-nga dec ayob nem namlic ñapep, tu bu gênj honj nanj mac akôm, nanj oc po Anötö ndê waê sa.

7

Yom pi lauwhê ti laungac sênem dandi-nga

¹ Kwahic dec aö bu waô yom ñatô nañ mac ato sip nem bapia. Mac ato yom pi mac nem gauc bocdec bu, lauwê ma ñgac bu sênem dau dom, dec oc ñayham. ² Gauc dinañ in ñayham, magoc lêñ mockain-ña kêsôwec tiatu yêc nom, ma tu dinañ-ña dec wasôm têñ mac bu in lêñ ñayham kêlêc bu lauwê sênem ñgac sa, ma laungac sênem awhê sa. ³ Ma ñgac dañ êngamin dau têñ ndê awhê dom, ma awhê êngamin dau têñ ndê akweñ dom. ⁴ Bu awhê dañ ti ñadau dau ndê ñamlic tawasê dom, in nakweñ ti ñadau whin. Ma ñgac dañ ti ñadau dau ndê ñamlic tawasê dom, in ndê awhê ti ñadau whin. ⁵ Bocdinañ awhê lu ñgac sêngamin dau têñ dandi dom, mboe inlu si dañ ndê ñalôm kac in e Sadañ êntôm in bu kôm mêtê mockain-ña. Inlu bu si ñalôm pitigen bu sêmbo ahê dau ñasawa sauñ bu sênem dabuñ dau tu sêteñ mbec-ña, dec oc tôm. Magoc têñ t êm dau pacndê, nañ sêmbo sêwhin dau tiyham. ⁶ Aö gauc gêm bu in lêñ ñayham bu lauwê ma ñgac sênem dau, ma tu dinañ-ña dec gawê yom dau sa têñ mac. Magoc aö gato tu bu wandic yomsu lauwê ma ñgac hoñ bu sênem dau-ña lec dom. ⁷ Aö tac whin bu lau hoñ sêmbo sêtôm aö dec gambo. Tigen Anötö gic sam in ndê mwasin tidau-tidau têñ ñamalac tigen-tigen tôm gi. Yac hoñ dawêkain mwasin kain tigen dom.

⁸ Aö bu wasôm yom pi laungac sawa, ma lauwê sawa. Nac bu sênem awhê me ñgac wakuc dom, ma sêmbo sêtôm aö gambo, dec oc ñayham. ⁹ Magoc ñac bu sênsahê bu sêtôm

dom bu sêtimêtê dau tu lêt ñalôm ñagalac-nga, nañ in oc ñayham hôc gêlêc bu lauwhê sawa sênem ñgac sa, ma launğac sawa sênem awhê sa tiyham.

¹⁰ Aö bu wakêt ñagôlin ñañ têt lauwhê ma ñgac nañ sem dau sa su. Aö tanwasêt neñ yom dom, bu Pômdau dau kêt ñagôlin bocdec bu, awhê ñañ hu ndê akweñ siñ dom. ¹¹ Magoc in bu hu ndê akweñ siñ, nañ nem ñgac wakuc dom. In êñsahê bu êmasañ yom whiñ nakweñ tiyham ma mbu ndi mbo whiñ in. Bu mba, nañ in mbo tawasê. Ma ñagôlin tigen ñinañ gic waê launğac bocdinañ. Ñgac ñañ hu ndê awhê siñ dom.

¹² Ma aö bu wasôm yom têt mac hon, pi awhê lu ñgac nañ sem dau sa su, magoc ñañ kêt whiñ, ma ñañ kêt whiñ dom. Yom dindêc Pômdau sôm têt aö dom, aö ñañ gauc gêm bu in lêt ñayham dec bu wasôm têt mac. Ñgac kêt whiñ-nga ñañ bu ndê awhê kêt whiñ dom, magoc awhê dau tac whiñ bu mbo whiñ in, nañ ñgac dau hu in siñ dom. ¹³ Ma awhê kêt whiñ-nga ñañ bu nakweñ kêt whiñ dom, magoc ñgac dau tac whiñ bu mbo whiñ in, nañ awhê dau hu nakweñ siñ dom. ¹⁴ Ñahu bu Anötö oc lic inlu si sem dau-nga bu ñadômbwi tu inlu si ñañ kêt whiñ dom-nga lec dom. Mba. Tu awhê me ñgac nañ kêt whiñ-nga, dec Anötö gêlic inlu si sem dau-nga ñinañ tôm gêt dabuñ. Bu bocdinañ dom, dec Anötö oc lic balêkoc nañ inlu sêkwê asê bu ñadômbwi. Magoc mba. In gêlic inlu si balêkoc bu dabuñ tu in ñañ kêt whiñ-nga.

¹⁵⁻¹⁶ Bocdinañ in lêt ñayham bu lauwhê ma

ngac kainj dinañ nañ sem dau su, nañ sêhu dandi siñ dom. Bu mboe am awhê nañ kêñ whiñ, oc ti lêt bu am nem akweñ nañ kêñ whiñ dom, nañ oc tap Anötö ndê mwasinj nem inj si-nga sa. Ma am ngac nañ kêñ whiñ, mboe am oc ti lêt bu Anötö nem am nem awhê nañ kêñ whiñ dom, nañ si. Asa kêyalê? Magoc yom dau inj bu ti balañ njanğa tu lauwê ma laungac sêhu dandi siñ-nga dom. Bu Anötö kêgalêm yac sa bu dambo ti yom malô. Bocdinañ ngac nañ kêñ whiñ dom bu tac whiñ bu hu ndê awhê kêñ whiñ-nga siñ, nañ dec alhac inj ahuc dom. Ma awhê nañ kêñ whiñ dom, nañ bocdinañ.

Anötö ndê galem, ma lêt dambo-nga

¹⁷ Aö gakêñ ngagôlinj danj têtj gôlôwac dabun hoñ nañ gam mêtê ñac su, nañ hêganônj yom hoñ dindec, ma ngagôlinj dau bocdec bu. Pômdau dau kêmasañ ñamalac si lêtj têtj têtj su, ma ñalêtj bocke nañ ñamalac danj mbo têtj ndoc Anötö ndê galem tap inj sa, nañ inj gauc nem bu hu siñ dom. ¹⁸ Anötö bu êngalêm ngac nañ sêsê inj ndê ñamlic ñatô su kêkuc lau Israel-nga si pwac, nañ sa, nañ goc sêc gêtj dau ahuc dom. Inj bu êngalêm ngac danj sa nañ sêsê inj su dom, nañ goc sêsê inj dom. ¹⁹ Yac bu dasê laungac me dasê ñac dom, inj gêtj ñandô dom. Gêtj ñandô dau bocdec bu, yac danjañ wambu Anötö ndê yom hoñ manj. ²⁰ Ñalêtj bocke nañ lau sêmbo têtj ndoc Anötö kêgalêm ñac sa, nañ sêsap dôñ napanj. ²¹ Am bu awhê me ngac akiñ ñambwa têtj têtj Anötö ndê galem tap am sa, nañ goc hêgo daôm dom. Am bu tap lêtj danj sa bu nem ñadau

êngapwêc am su, dec oc tòm, magoc in gêñ atu dom. ²² Bu awhê me ñgac akiñ ñambwa nañ Pômdau kêgalêm in sa, nañ Pômdau kêgapwêc in su yêc sakiñ mêtê sac-nga. Ma am asa nañ gêm akiñ lau dañ dom, magoc Pômdau kêgalêm am sa, nañ goc anyalê ñapep bu kwahic dec am ti Kilisi ndê awhê me ñgac akiñ. ²³ Kilisi gêmlihi mac su ña ñaôli atu. Tu dinañ-nga dec anyalê ñapep bu ñamalac nom-nga dañ ti mac nem ñadau ñandô dom. ²⁴ O asidôwai hac! Ñalêñ bocke nañ mac ambo têtñ ndoc Anötö ndê galem tap mac sa, nañ gauc nem bu akôm ñapañ ambo Anötö anğô-nga.

Yom pi lau nañ sem dandi sa su dom

²⁵ Aö bu wasôm yom pi lau wakuc nañ sem dau sa su dom. Pômdau kêtñ ñagôliñ dañ têtñ aö hêganônñ ñac dom. Magoc in ndê mwasin puc aö dôñ, dec akêtñ whin aö ma akôc yom dindec sa. ²⁶ Tu lau sêkêtñ kisa ñaşa têtñ yac lau dakêtñ whin-nga têtñ têtñ dindec-nga, dec aö gauc gêm lêtñ ñayham bocdec bu, lau nañ sem dau sa su dom, nañ sêmbo bocdinañ. ²⁷ Am ñgac nañ sêhoc am nem yom asê su bu nem awhê dañ, nañ êmsalê lêtñ tu hu yom dau sin-nga dom. Ma am ñgac nañ sêhoc am nem yom asê su dom, nañ êmsalê awhê tu nem-nga dom. ²⁸ Magoc am asa nañ gauc gêm tidônñ bu nem awhê me ñgac, nañ am kôm sac dom. Tigenñ lau nañ sem dau sa su, nañ oc sêhoc ñawapac yêc nom dindec, ma aö gatec bu mac atap ñawapac sa atôm ñac, dec gasôm yom dinañ.

Danem akiñ Pômdau ti neñ ñalôm sambuc

²⁹ O asidôwai, aô wasôm têtj mac bu têtj tiapê su. Bocdinañ têtj kwahic dec ma ndi, nañ ambo bocdec. Lauñgac nañ sem awhê sa su, nañ sêmbo tôm sem awhê sa dom. ³⁰ Lau nañ sêtanj danjibo, nañ sêmbo tôm sêtanj dom. Lau nañ atac ñayham, nañ sêmbo tôm ñac atac ñayham dom. Lau nañ semlhi gêtj, nañ sêmbo tôm ñac si wapa mbasi. ³¹ Ma lau nañ sêkôm gwelenj pi gêtj nom-ñga, nañ gauc nem gêtj dau êñlêc dom. Yom dau ñahu bu nom kwahic dec-ñga oc yêc ñapanj dom, oc niñga.*

³² Aô tac whiñ bu mac ayêm daôm su tu gêtj nom-ñga-ñga lec dom. Lauñgac nañ sem awhê sa su dom, nañ oc sêyêm dau su tu sêkôm Pômdau ndê gwelenj-ñga, ma bu sêkôm gêtj nañ gic Pômdau tandô ñayham. ³³ Magoc lauñgac nañ sem awhê sa su, nañ oc sêyêm dau su tu gêtj nom-ñga-ñga, tu bu sêkôm ñac si lauwhêi atac ñayham sa. ³⁴ Bocdinañ sêyêm dau su tu Pômdau tigenj-ñga dom, magoc sêkôm ti ñalôm lu-lu. Ñalêñ tigenj, lauwhê akiñ me lauwhê bocke nañ sem ñgac sa dom, nañ oc sêyêm dau su tu sêkôm Pômdau ndê gwelenj-ñga, ma pi lêtj bu

* **7:31** Yom nañ Pol sôm yêc ñabatinj 29-31 nañ ñahu bocdec, yac neñ ñahu andô dambo nom-ñga nañ sip gêtj nom-ñga dom. Iñ sôm bu lauñgac nañ sem awhê sa su, nañ sêmbo tôm sem awhê sa dom. Magoc iñ sôm tu bu lauñgac sêpu si awhêi me sêpuc dômbwê ñac lec dom. Mba. Iñ bu whê sa bu danem dauj, me datañ danjibo, me dambo ti atac ñayham, me datidulu gêtj, me dakôm gwelenj pi gêtj nom-ñga, nañ ti yac neñ ñahu andô dambo nom-ñga dom. Dakêñ whiñ Pômdau ti danem akiñ iñ, nañ iñ gêtj atu.

sêtimêtê dau si ñamlic ti gatu ñapep. Magoc lauwê nañ sem ñgac sa su, nañ sêyêm dau su tu gêñ nom-ñga-ñga tu bu sêkôm nakwenj atac ñayham sa. ³⁵ Aõ gato yom dindec tu bu wanğwiniñ mac-ñga dom. Aõ gato bu wanem mac sa, ma bu mac asa lêñ ñayham ma anem akiñ Pômdau ti nem ñalôm sambuc, ma ahê gauc pi gêñ nom-ñga êñlêc dom.

Yom ñatô pi lauwê ma laungac si lêñ

³⁶ Aõ bu wasôm yom pi ñgac nañ sêhoc inlu awhê akiñ dañ si yom asê bu sênem dau, magoc inlu sem dau sa su dom. Ngac dau bu ndê ñalôm kac in ma tac whiñ ñandô bu nem awhê dau, dec in kôm sac dom. Akêñ inlu sênem dau. ³⁷ Magoc ñgac dau bu gauc nem tidôn yêc in ndê ñalôm bu nem in ndê awhê akiñ dinañ dom, nañ in kôm gêñ ñayham. In bu nditôm bu nem gôlin dau ndê lêñ, dec kôm tôm in ndê ñalôm gauc gêm tidôn. Ñamalac dañ gitôm dom bu kac in. ³⁸ Bocdinañ ñgac nañ gêm ndê awhê sa, nañ kôm mêtê ñayham, ma in nañ gêm awhê sa dom, nañ kôm mêtê ñayham hóc gêlêc su.

³⁹ Awhê nañ gêm ñgac sa su, nañ inlu si yom sênem dau-ñga piñ inlu dôñ e in nakwenj mbac ndu. In nakwenj bu mbac ndu, ma awhê dau tac whiñ bu nem ñgac dañ tiyham, nañ yao mbasi. Oc tôm bu in nem ñgac kêñ whiñ-ñga bocke nañ in tac whiñ, magoc gitôm dom bu nem ñgac nañ kêñ whiñ Pômdau dom. ⁴⁰ Magoc aõ dañ gauc gêm bu awhê tuc dau bu mbo tawasê, dec oc êmwasiñ in êñlêc. Aõ dañ neñ gauc dinañ, ma Anötö ndê Nalau, nañ mac asôm bu gêm gôlin

mac, nañ mbo aneñ ñalôm whiñ, dec puc aneñ gauc dôñ.

8

Gêñ daneñ-nga nañ lau sêkêñ ti da têt anötöi gwam

¹ Mac ato yom ñatô pi gêñ daneñ-nga nañ lau sêkêñ ti da têt anötöi gwam.* Tôm mac asôm, yac hoñ datap gauc sa su. Magoc yac bu dakôm gêñ nañ tañyalê bu yao dañ kalhac yac ahuc bu dakôm-nga dom, dec tañkuc lêt dapo dañ sa-nga. Yac bu dakôm gêñ nañ tôc asê bu yac atac whiñ neñ asidôwai, ma bu dapo ñac sa, nañ in lêt ñayham kêlêc. ² Asa nañ toc dau sa bu in ñamalac ti gauc atu, nañ tap sa gitôm su dom. ³ Magoc asa nañ tac whiñ Anötö, nañ Anötö kêyalê in.

⁴ Yom dinañ bu whê yom dec kwahic aö bu wasôm pi gêñ daneñ-nga nañ sêkêñ ti da têt gwam, nañ sa. Yac tañyalê bu Anötö ñandô tigen dec mbo, ma gwam in gêñ ñambwa nom-nga. ⁵ Lau nañ sêkêñ whiñ dom, nañ sêtoc gêñ daêsam sa ti ñac si anötöi ma pômdau. Ñac sem akiñ gêñ nom-nga ma gêñ undambê-nga ma sêsam bu ñac si anötöi. ⁶ Magoc yac lau dakêñ whiñ-nga datoc Anötö tigen sa. In Damañ nañ kêñ gêñ hoñ, ma yac dati in ndê. Ma Pômdau

* **8:1** Têt têt dinañ lau daêsam sem akiñ anötöi gwam. Ñac sêkêñ wata ti da pi alta gwam-nga, ma tiñambu señ ñatô, ma ñatô sêkêñ sa maket. Lau Korin-nga ñatô gauc gêm bu yao dañ kalhac ñac ahuc tu seneñ wata kain dinañ dom, ma sêto yom têt Pol ma sêndac in pi gêñ dau.

tigen mbo. In Yisu Kilisi, naŋ Anötö kên gên hon ɲa in, ma ti yac neŋ ɲahu dambo taŋli-ɲga.

⁷ Tigen lau hon si gauc sa ɲapep pi gên naŋ lau sêkên ti da têt gwam, naŋ dom. Lau sêkên whiŋ-ɲga ɲatô muŋ-ɲga sem akiŋ gwam, ma sêhu siŋ su, magoc lêt dau k alhac ɲac si gauc ɲapaŋ. Bocdinaŋ kwahic dec ɲac bu sêneŋ gêt daneŋ-ɲga naŋ lau sêkên ti da têt gwam, dec oc kôm ɲac si ɲalôm lu-lu bu mboe sêkôm sac. ⁸ Magoc Anötö oc lic yac ɲayham me sac tu gêt daneŋ-ɲga-ɲga dom. Yac bu daneŋ me daneŋ dom, naŋ lêt daŋ hôc gêlêc daŋ su dom.

⁹ Magoc ayob ɲapep bu gêt naŋ mac alic tôm bu akôm, naŋ kôm ɲamalac daŋ, naŋ ndê ɲalôm lu-lu pi gêt dau, naŋ ndê kên whiŋ tisac dom. ¹⁰ Am asa naŋ kêyalê bu yao daŋ kalhac am ahuc dom bu neŋ gêt ndöc lôm sênem akiŋ gwam-ɲga, naŋ ɲgô. ɲamalac kên whiŋ-ɲga daŋ naŋ ndê gauc sa ɲapep pi gêt dau dom, naŋ bu lic am neŋ gêt ndöc dindê, dec oc mboe in ndê ɲalôm oc pêt dôŋ bu neŋ gêt naŋ sêkên ti da têt gwam, naŋ whiŋ am. ¹¹⁻¹² Am nem gauc sa ɲapep, magoc am nem lêt dinaŋ in s o. ɲahu bu mboe tiŋambu ɲamalac dinaŋ oc ɲalôm ɲawapac pi gêt naŋ in kôm e kôm in ndê kên whiŋ tisac ma sa lêt niŋga-ɲga. Kilisi mbac ndu su bu nem am nem asidôwa dinaŋ, naŋ ndê gauc babalê, naŋ si-ɲga, ma bocdinaŋ gêt naŋ am kôm têt in, naŋ tôm am kôm sac têt Kilisi dau. ¹³ Bocdinaŋ aö neŋ lêt waneŋ wata-ɲga bu wê aneŋ asidôwa daŋ sa seŋ sac-ɲga, dec waneŋ gêt dau tiyham dom andô. ɲahu bu aö gatec bu wakôm aneŋ

asidôwa danj ndê kêñ whinj tisac.

9

Pol whê dau sa bu aposel ñandô

¹ Aö gambo ñamalac danj ñapu dom, ma aö aposel ñandô. Aö galic yac neñ Pômdau Yisu pi tanônj solop. Ma mac daôm ati lau akêñ whinj-nga, tu métê nanj aö gam pi Pômdau têtj mac-nga. Yom honj dinanj inj yom ñandô, me? ² Lau ñatô sêlic aö gitôm aposel si danj dom, ma mac bocke? Oc tôm dom bu mac andac batam aö. Nahu bu mac ati lau akêñ whinj Kilisi-nga tu ñawaê ñayham nanj aö gahoc asê têtj mac-nga, ma gêtj dau têtj asê bu aö Pômdau ndê aposel ñandô.

³ Mac lau nanj andac batam aö bu aposel ñandô me mba, nanj anjô! ⁴ Aö ti lau nanj sêkôm gwelenj ñawaê ñayham-nga sêwhinj aö, nanj bu tanjkwê lau bu sêpuc yac dônj ña gêtj anenj ti anôm-nga ô yac mba gwelenj, dec yac akôm so, a? ⁵⁻⁶ Mac gauc gêm bocke? Inj solop bu alu Banabas tanjasênj anem gwelenj tu akôm kwanj daun-nga, magoc aposel ñatô takwê lau tu sênem ñac sa-nga, a? Ma yac bu akôc mba lauwhêi nanj sêkêñ whinj sêñsêlêñ sêwhinj yac, ma tanjkwê lau bu sêkêñ gêtj sêpuc ñac dônj sêwhinj yac-nga, nanj inj lêtj so, a? Mac anjyalê su bu Pita ma lau aposel ñatô ma Pômdau ndê asii sêkôc si lauwhêi sêñsêlêñ sêwhinj ñac. ⁷ Ngac sinj-nga bocke gêmlihi dau tu gwelenj ndic sinj-nga? Ma ñamalac nanj sô gêtj ñawhê, nanj inj lêtj solop bu inj neñ gêtj dau ña-ñandô, me? Ma ñamalac nanj

yob domba ma nanin, nan bu nô m su nagec ô in ndê gwelen dinan, nan so me?

⁸ Aô gasôm yom pi namalac si lêng gwelen-nga natô bu wawhê gêng dau sa. Magoc Anötö ndê yom whê gêng dau sa whin. ⁹ Bu yomsu dan nan Moses to, nan sôm bu:

Tên ndoc mac akên makao sêkôm gwelen bolom-nga, nan asô nac tôkwa ahuc dom. Sênen bolom natô ô nac si gwelen. *[Diat 25:4]*

Mac gauc gêm bu Anötö kên yom dau gic waê makao nambwa, a? ¹⁰ In kên yom dau gic yac namalac nawae solop. Yomandô! Moses to yom dau tu yac-nga. Bu namalac nan sô gêng nawhê, ma namalac nan gic gêng nandô sa, nan lu-lu sêkên bata bu oc sênen gêng nandô. ¹¹ Ma yac lau aposel bocdinan. Yac akôm gwelen tu mac gatôm-nga, tô m lau nan sêsô gêng nawhê sip ô m. Ma yac bu tan kwê gêng natô yê c mac tu bu puc yac dôn-nga, dec tu sake-nga mac alic sac? ¹² Lau natô sêkôm gwelen tên mac ma sêkac mac bu akên gêng puc nac dôn-nga. Ma yac atôm bu andac mac bu anem yac sa hóc gêlêc su. Yac atôm, magoc yac akôm dom. Mba! Yac atec bu gêng dan lhac yac mba gwelen pi Kilisi ndê nawae nayham ahuc. Ma tu dinan-nga dec yac alic nayham bu ahóc nawapac daêsam.

¹³ Ma gêng dan tiyham. Mac anyalê su bu lau nan sem akin Anötö sêmbo lôm dabun, nan sêtap gêng danen-nga sa yêc gêng danen-nga nan lau sêkên ti da pi alta yêc lôm dabun. ¹⁴ Ma Pômdau dau gic atu yom kain tigen, ma tôc asê bu in lêng solop bu lau nan sêhoc nawae nayham

asê, nan sêtap gêñ puc ñac dôn-nga sa yêc lau nan sêkôc ñawaê dau sa.

¹⁵ Bocdinañ, aö gatôm bu wakêñ batan gêñ puc aö dôn-nga, magoc gakôm dom. Ma yom nan kwahic d ec aö gato, nan gato tu bu wandac mac bu anem aö sa-nga lec dom. Mba! Aö bu gêñ yô aö e wambac ndu, nan ñayham hôc gêlêc bu wandac gêñ puc aö dôn-nga yêc lau ñapan, e sêtec bu sêngô ñawaê ñayham. Aö gapo daun sa tu aneñ lêñ dinañ-nga, ma aö bu wasa lêñ dan dau-nga, dec aneñ ñahu wapo daun sa-nga oc mbasi. ¹⁶ Magoc aö oc wapo daun waêñ sa tu gwelen ñawaê ñayham-nga dom, ñahu bu Anötö kên gwelen dau sip aö aman, dec aneñ ñalôm kac aö ñandô bu wakôm. Ma aö bu wahoc ñawaê ñayham asê dom, dec oc kên wapac aö sac sambuc. ¹⁷ Bu aö gakôm gwelen dau tu aö daun gauc gêm tidôn bu wakôm-nga lec dom. Bu bocdinañ dec oc tôm bu tankwê bu wakôc ñaôli ô aneñ gwelen. Magoc aö gakôm gwelen dau tu Anötö-nga, bu in dau kêyalin aö sa gac waê gwelen dau. ¹⁸ Bocdinañ aö oc tankwê ñaôli bocke? Gêñ nan yac lau aheñ-nga atôm bu tankwê, nan aö oc wahu sin. Aö tac whin bu têt ndoc wahoc ñawaê ñayham asê têt lau, nan wakêñ têt ñac ñambwa. Lêñ dinañ ti aneñ ñaôli.

¹⁹ Bu aö gambo ñamalac dan ñapu dom, magoc aö galic ñayham bu wati lau hon si ngac akiñ ñambwa, tu bu wanşahê bu wanem lau daêsam kwi bu sêkêñ whin Kilisi ma sêtap Anötö ndê mwasin nem ñac si-nga sa. ²⁰ Têt ndoc nan

aö gambo gawhiñ lau Israel-nga, nañ aö kasahê bu wambo watôm ñac si dañ, tu bu wanem ñac si daêsam kwi e sêkêñ whiñ Kilisi. Aö gambo Moses ndê yomsu dañ ñapu dom, tigen têtêm aö gambo gawhiñ lau nañ sêmbo yomsu ñapu, nañ aö kasahê bu wambo watôm ñac si dañ, tu bu wanem ñac si lau daêsam kwi tu Kilisi-nga. ²¹ Ma têtñ ndoc aö gambo gawhiñ ñlau gameñ apa-nga nañ sêkôc Moses ndê yomsu sa dom, nañ kasahê bu wambo watôm ñac si dañ, tu bu wanem ñac si lau daêsam kwi tu Kilisi-nga. (Aö gatec Anötö ndê yomsu dom, magoc aö gambo Kilisi ndê yomsu ñapu.) ²² Têtñ ndoc aö gambo gawhiñ lau nañ sêkêñ whiñ gwalec, nañ aö kasahê bu wambo watôm ñac sêmbo, tu bu wanem ñac si daêsam kwi sêkêñ whiñ Kilisi.* Aö kakuc lêtñ daêsam têtñ ndoc gambo lau tidau-tidau si toñ ñalôm, ma gakôm gêtñ hoñ tu bu wanem lau ñatô kwi-nga. ²³ Aö gakôm gêtñ hoñ dinañ tu ñawaê ñayham-nga, tu bu lau daêsam sêtap ña-mwasin sa sêwhiñ aö.

²⁴ Gauc nem lau nañ sênti tu sêhóc gêtñ dandi-nga. ñac hoñ sênti, magoc ñamalac tigen oc hóc gêtñ ma tap ñamalac ñamata-nga ndê ñaôli sa. Asa nem lêtñ akêtñ whiñ-nga atôm

* **9:22** Pol tîc asê tiawê bu in mbo yomsu ñapu dom, magoc têtñ ndoc in mbo whiñ lau nañ atac lu-lu pi gêtñ ñatô, dec in hu gêtñ nañ in kêtñalê bu yao mba, nañ sin tu bu êñsôn ñac-nga dom. Gauc nem yom nañ in to pi wata nañ lau sêkêñ ti da têtñ gwam yêc 1 Kor 8:1-13. Pol ndê ñalôm ñawapac tu neñ gêtñ dinañ-nga dom, tigen lau ñatô bu gauc nem yom daêsam pi gêtñ dau, dec in oc hu sin têtñ têtêm in mbo whiñ ñac, tu bu kôm ñac si sêkêñ whiñ tisac dom-nga.

ņamalac naņ kēti hōc gēlēc lau ņatō, tu bu atap nem ņaōli ņayham sa-ņga. ²⁵ Lau hoņ naņ bu sēnti, naņ sētimētē dau ņapep tu bu sētap ņaōli sa-ņga, magoc ņaōli dau oc yēc ņapaņ dom. Yac lau dakēņ whiņ-ņga tanti tu bu datap ņaōli yēc ņapaņ-ņga sa. ²⁶ Bocdinaņ, aō dauņ gasa neņ lēņ wanem akiņ Anötō-ņga gitōm ņgac naņ kēti bambaliņ, naņ dom. Ma aō gac siņ gatōm ņgac naņ kēbaliņ amba ņambwa-ņambwa, naņ dom. ²⁷ Mba! Aō gac siņ ņaņga tēņ ņalōm akwa bu watimētē dauņ ma wayob dauņ neņ lēņ ņapep eņ. Aō bu wakōm bocdinaņ dom, dec mētē naņ aō gam tēņ lau ņatō, naņ aō dauņ oc waso ņamwasiņ.

10

Lau Israel si mētē sac kēņ puc yac

¹ O asidōwai. Aō atac whiņ bu mac akōc gauc ņapep pi gēņ naņ tap abaji Israel-ņga sa. ņac hoņ sēņsēlēņ sēwhiņ Moses sēmbō Anötō ndē dao ņapu, ma sēlom gwēc sēwhiņ dau si. ² ņac sēmbō sēwhiņ Moses yēc gwēc ti dao dinaņ, dec gitōm sēliņ busaņgu kaiņ daņ, naņ piņ ņac hoņ dōņ sem damiņ iņ. ³ ņac hoņ seņ gēņ daneņ-ņga kaiņ tigeņ, naņ Anötō kēņ ņa iņ ndē ņaclai atu. ⁴ Ma ņac hoņ sēnōm bu kaiņ tigeņ naņ Anötō ndē ņaclai kēņ sa akēņ hoc. Hoc dinaņ iņ Kilisi dau, naņ kēsēlēņ whiņ ņac tēņ ndoc sēmbō gameņ sawa. ⁵ Aņgō ņapep! Lau dau hoņ sētap Anötō ndē mwasiņ sa, tigeņ ņac si lau daēsam sēsa si lēņ sic iņ tandō dom, dec iņ gic ņac ndu yēc gameņ sawa.

⁶ Gêñ hoñ dinañ ñandô sa gitôm dôhôn bu kên puc yac. Añani Israel-nga dinañ si ñalôm sap mêtê sac dôñ ñapañ, ma bocdinañ dayob daun bu tañkuc ñac si lêñ dom. ⁷ Ñac si lau ñatô sem akiñ anötöi gwam têt têt sêmbo gameñ sawa. Sêto yom pi ñac, nañ yêc bocdec bu:

Lau dau sêndöc sic bu sêneñ ti sênôm gêñ, ma sêtisa bu sêtê wê ma sêkôm mêtê ñalôm ñagalac-nga tidau-tidau. *[Eks 32:6]*

Bocdinañ ayob daôm ñapep bu añkuc ñac si lêñ sênem akiñ gwam-nga dom. ⁸ Ma akôm mêtê mockaiñ-nga tôm ñac si lau ñatô sêkôm, nañ dom. Bu Anötö gic ñac si lau 23,000 ndu têt bêc tigeñ. ⁹ Ma gauc nem ñac si lau ñatô nañ sêñsahê Pômdau, ma iñ kên mboc sac sêseñ ñac ndu. Bocdinañ gauc nem bu akôm sac ma añsahê Pômdau dom. ¹⁰ Ma atucdiñ tôm ñac si lau ñatô sêkôm, nañ dom. Ñac sêtucdiñ, dec Anötö kêkiñ añela señ lau su-nga gic ñac ndu.

¹¹ Añgô su nañ. Bêc ñambu-nga meñ kêpiñ su. Ma gêñ hoñ nañ hóc asê abañi, ma sêto ñayom sa yêc, nañ gitôm dôhôn bu kên puc yac lau têt kwahic dec-nga, bu tañkuc ñac si lêñ dom. ¹² Bocdinañ am asa nañ gauc gêm bu am kalhac ñañga, nañ yob daôm bu pweñ dom! ¹³ Lêtôm bocke nañ mac añsahê, nañ tap lau hoñ sa bocdinañ. Iñ gêñ wakuc dom. Magoc Anötö oc hu mac siñ me tec mac dom. Iñ oc yob mac bu lêtôm nañ hóc gêlêc nem licwalô su, nañ ñadañ tap mac sa dom. Magoc lêtôm bu meñ, dec iñ oc êmasañ lêñ bu mac alhö su yêc lêtôm dau, ma puc mac dôñ bu alhac ñañga ma aku sa dom.

Sakiñ mwasiñ dabuñ-nga ma sakiñ gwam-nga

¹⁴ Bocdinañ aneñ lau atac whiñ-nga, aṅgô! Alhõ su yêc sakiñ gwam-nga. ¹⁵ Mac lau tiguauc, ma bocdinañ aṅsahê aneñ yom ma alic, iñ yom ñandô. ¹⁶ Têñ ndoc yac daneñ mwasiñ dabuñ, nañ tam mbec laclhu wain-nga goc danôm, ma gêñ dau piñ yac dôn tam damiñ Kilisi ndê dac. Ma têñ ndoc yac tañ bolom mwasiñ dabuñ-nga nañ dapô kôc-kôc, dec gêñ dau piñ yac dôn tam damiñ Kilisi ndê ñandô. Yom dindec iñ yom ñandô, me? ¹⁷ Yac lau daêsam tañ yêc bolom tigeñ, dec gêñ dau piñ yac hoñ dôn dati gêñ tigeñ.

¹⁸ Gauc nem lau Israel-nga nañ señ gêñ daneñ-nga nañ lau sêkêñ ti da pi alta. Lau hoñ nañ señ gêñ dau, nañ gêñ dau piñ ñac dôn sem damiñ alta dinañ ñadau. ¹⁹ Aõ gasôm yom dau tu bu watôc asê bu gwam iñ gêñ ñandô lec dom, me da nañ lau sêkêñ pi alta tu sênem akiñ gwam dan-nga, iñ gêñ ñandô lec dom. Mba andô! ²⁰ Magoc gêñ nañ lau sambuc sêkêñ ti da, nañ sêkêñ ti da têñ Anötö dom, sêkêñ tu sênem akiñ ñalau sac-nga. Ma aõ gatec bu mac aneñ gêñ nañ oc piñ mac dôn anem damiñ ñalau sac. ²¹ Gitôm dom andô bu mac anôm gêñ yêc laclhu nañ piñ mac dôn am damiñ Pômdau, ma tiñambu andi anôm yêc laclhu nañ oc piñ mac dôn anem damiñ ñalau sac whiñ. Gitôm dom andô bu mac aneñ Pômdau ndê mwasiñ, ma aneñ mwasiñ nañ lau señ tu sêtoc ñalau sac sa-nga whiñ. ²² Yac bu dakôm, dec oc dakôm Pômdau tac ñandê sa, bu iñ gêm lêmun iñ ndê gêñ. Mac gauc gêm bocke? Yac neñ l icwalô hóc gêlêc iñ ndê, dec datôm bu

tañlêc iñ ndê atac ñandê, a?

Dakôm neñ gêñ hoñ tu dapo Anötö waê sa-nga

²³ Mac nem lau ñatô sêsôm yom dan bocdec bu, “Gêñ hoñ gitôm bu yac dakôm. Yao dan yêc dom.” Tigeñ aô wasôm têñ mac bu gêñ hoñ oc êmwasiñ yac dom. Yomandô, gêñ hoñ gitôm bu yac dakôm, ma yao dan yêc dom, magoc gêñ hoñ oc puc yac dôn dom. ²⁴ Ayob daôm bu akôm gêñ hoñ tu apo daôm sa-nga dom, magoc akôm tu bu amwasiñ lau ñatô-nga.

²⁵ Wata nañ mac amlhi yêc maket ñamala, nañ aneñ ti atac lu-lu dom, aneñ ti atac pa su eñ. ²⁶ Bu sêto yom yêc bocdec:

Nom sambuc, ma gêñ nom-nga hoñ, nañ Pômdau ndê gêñ. *[BW 24:1]*

²⁷ Ñamalac nañ kêñ whiñ dom, nañ bu êñgalêm mac bu aneñ gêñ awhiñ iñ, ma mac bu atac whiñ bu andi, nañ andi. Ma gêñ hoñ nañ iñ bu kêñ têñ mac, nañ aneñ ti atac lu-lu dom. Aneñ ti atac pa su. ²⁸⁻²⁹ Magoc ñgac dan bu lic mac ma sôm bu, “Ei! Wata dinañ sêkêñ ti da têñ gwam muñ su,” nañ aneñ dom. Mac daôm añyalê ñapep ma atôm bu aneñ ti atac pa su, magoc tu ñgac nañ kêñ puc mac-nga, dec aneñ dom, bu añsôn iñ ndê gauc dom. Lau nañ sêkêñ whiñ ñaŋga, nañ sêñyalê bu gêñ hoñ nañ Anötö kêñ têñ yac tu daneñ-nga, nañ yao dan kalhac ahuc dom. Magoc yac bu daneñ gêñ nañ sêkêñ ti da têñ gwam, dec mboe ñamalac nañ kêñ whiñ gwalec, nañ ndê gauc sa ñapep pi gêñ dau dom, nañ oc pu yac neñ lêñ yao mbasi-nga dinañ. ³⁰ Yac bu daneñ gêñ, nañ danem danje

Anötö muṅ, ma aö gatec bu lau sêpu yac tu gêṅ daney-ṅga naṅ yac tam danḡe Anötö muṅ su ma taṅ-ṅga.

³¹ Bocdinaṅ, gêṅ hoṅ naṅ mac bu aney ti anôm ma akôm, naṅ akôm ṅalêṅ ṅayham naṅ tôm bu po Anötö ndê waê sa. ³² Gauc nem lau hoṅ, lau Israel me lau Grik, ma lau hoṅ naṅ sêmbô Anötö ndê gôlôwac dabuṅ ṅalôm, ma ayob nem lêṅ hoṅ ṅapep, bu akôm lau danḡ si sêkêṅ whiṅ tisac dom. ³³ Aö dauṅ neṅ lêṅ dinaṅ. Aö gayob neṅ lêṅ hoṅ bu ndic lau hoṅ tandô ṅayham. Aö gakôm tu bu wamwasinḡ dauṅ-ṅga dom, magoc gakôm tu bu wanem lau daêsam sa bu sêtap Anötö ndê mwasinḡ nem ṅac si-ṅga sa.

11

¹ Aṅkuc aney lêṅ dinaṅ, tôm aö dauṅ kakuc Kilisi ndê.

ṅagôlinḡ lauwhê ma laungac sêlic om-ṅga

² Aö wampinḡ mac bu mac gauc gêm aö ṅapaṅ, ma mêtê naṅ aö kadôhônḡ ti gac dulu têṅ mac, naṅ mac asap dôṅ ṅapaṅ. ³ Magoc aö bu mac aṅyalê ṅapep bu Anötö inḡ Kilisi ndê ṅagôlônḡ, ma Kilisi inḡ laungac si ṅagôlônḡ, ma laungac sêti lauwhê si ṅagôlônḡ.

⁴ ṅgac asa naṅ teṅ mbec me hoc yom asê gitôm propet, magoc uṅ gêṅ danḡ kôm inḡ ndê ṅagôlônḡ ahuc, naṅ toc inḡ ndê ṅagôlônḡ Kilisi sa ṅapep dom. ⁵ Ma awhê asa naṅ teṅ mbec me hoc yom asê gitôm propet, magoc uṅ gêṅ danḡ kôm inḡ ndê ṅagôlônḡ ahuc dom, naṅ kôm inḡ ndê ṅagôlônḡ naṅ inḡ nakweṅ maya sa. Awhê dau inḡ gitôm

awhê nan sêngalin kêclaun hon su ginnga, nan lau sêlic tòm gêñ mayan-nga. ⁶ Bocdinan, awhe asa nan tec bu un gêñ tin ñagôlôn, nan angapiñ in ndê kêclaun hon su ninnga. In bu maya tu angapiñ in kêclaun su-nga, dec êñkuc lauwhê si lêt solop, ma un gêñ dan kôm ndê ñagôlôn ahuc. ⁷ Nahu bu in lêt solop bu laungac sêun gêñ tin ñagôlôn dom, bu Anötö kêmasan ñac bu sênem in angô sêmbo nom, ma sêtôc in ndê waê asê. Ma in lêt solop bu lauwhê sêun gêñ kôm si ñagôlôn ahuc, bu ñac sêtôc si laungac si waê asê. ⁸ Bu têt ndoc Anötö kêmasan gêñ hon, nan ñac sa akêt awhe dom, magoc awhe sa akêt ñac. ⁹ Ma Anötö kêt ñac tu awhe-nga dom, in kêt awhe tu ñac-nga. ¹⁰ Tu dinan-nga, ma tu anela-nga, dec solop bu lauwhê sêun gêñ tu bu sêtôc asê bu sêsôc si ñagôlôn ñapu. ¹¹ Magoc yêc yac lau nan dakêt whin Pômdau-nga, nan mac lauwhê ambo tu daôm-nga dom, ma mac laungac ambo tu daôm-nga dom bocdinan. ¹² Bu awhe ñamata-nga sa akêt ñac, ma tinambu laungac sêsa akêt lauwhê. Ma gêñ hon men akêt Anötö.

¹³ Akôc gauc ñapep pi lauwhê nan sêten mbec têt Anötö magoc sêun gêñ dom. Mac anyalê dom bu in lêt so, a? ¹⁴ Ñamalac si lêt sêmbo-nga tôc sake asê pi gêñ dindec? Ñac dan bu ndê kêclaun baliñ, dec dasôm sake? Dalic gitôm gêñ mayan-nga. Yomandô, me? ¹⁵ Ma awhe dan bu ndê kêclaun baliñ, nan dasôm sake? Dasôm bu gêñ dau po in ndê waê sa. Bu Anötö kêt kêclaun baliñ têt lauwhê bu êngatôc ñac si ñagôlôn

ahuc. ¹⁶ Lau dan bu sêsen yom dec ma sêsôc n̄apu dom, dec wasôm t̄en n̄ac bu yac ma Anötö ndê gôlôwac dabun̄ hon̄ tan̄kuc l̄en̄ tigen̄ dindec, ma l̄en̄ dan̄ tiyham yêc dom.

Lau Korin-nga sen̄ Mwasin̄ Dabun̄ n̄a l̄en̄ so

¹⁷ A ö bu wasôm yom pi mac nem l̄en̄ akac daôm sa tu alic om-nga. Aö wampin̄ mac pi l̄en̄ dinan̄ dom, magoc wandic yomsu mac. Mac nem l̄en̄ dau so, ma gêm gôlôwac dabun̄ sa dom. ¹⁸ Gêñ n̄amata-nga aö gan̄gô n̄awaê bu t̄en̄ ndoc mac akac daôm sa, nan̄ mac awhê daôm kôc-kôc. Ma aö gauc gêm bu n̄awaê nan̄ gan̄gô, nan̄ yom tasan̄ dom, magoc yom n̄andô. ¹⁹ In̄ solop dom bu mac awhê daôm kôc-kôc êñkuc gêñ nom-nga, magoc mac nem l̄en̄ ti sakin̄ bu whê mac kôc-kôc ma tôc asê bu lau nde sêkên̄ whin̄ n̄anga ma lau nde sêkên̄ whin̄ gwalec, dec in̄ l̄en̄ solop. ²⁰ T̄en̄ t̄em mac akac daôm sa bu anen̄ Pômdau ndê Mwasin̄, nan̄ mac gauc gêm bu an̄ n̄apep. Magoc aö wasôm bu gêñ nan̄ mac an̄, nan̄ Pômdau ndê Mwasin̄ dom. ²¹ Bu t̄en̄ ndoc mac bu anen̄ gêñ, nan̄ mac hon̄ an̄ t̄en̄t̄en̄ e lau n̄atô gêñ yô n̄ac, magoc lau n̄atô sênôm gêñ e kên̄in̄ n̄ac. ²² Bocke? Mac nem andu sêlhac dom, a? Gitôm bu mac anen̄ ti anôm gêñ yêc nem andu mun̄ su, goc akac daôm sa. Mac nem l̄en̄ anen̄ Mwasin̄ Dabun̄-nga tôc asê bu mac apu nem asidôwai nan̄ sêmbo Anötö ndê gôlôwac dabun̄ n̄alôm, ma alic n̄ayham bu akôm lau n̄alôm sawa maya sa. Aö wasôm yom bocke t̄en̄ mac? Mac gauc gêm bu aö wampin̄ mac pi gêñ dinan̄, a? Mba andô!

*Pômdau ndê yom pi Mwasinj Dabuñ
(Mat 26:26-28; Mak 14:22-24; Luk 22:17-20)*

²³ Bu yom nañ aö gac dulu têt mac pi Mwasinj Dabuñ, nañ Pômdau dau kêt têt aö bocdec bu. Têt ôbwêc nañ Judas hoc Pômdau Yisu asê, nañ Yisu kôc bolom sa, ²⁴ gêm danje Anötö, ma pô kôc goc sôm, “Aö neñ ñandô dau dec, nañ wakêt tu mac-nga. Aneñ gêt dindec tu bu gauc nem aö-nga.” ²⁵ Ñac señ gêt daneñ-nga su, ma ñalêt tigen in kôc laclhu wain-nga dan ma sôm, “In dindec aneñ dac, nañ aö wakêc sin tu wamatin pwac wakuc-nga. Têm hon nañ mac bu anôm wain mwasinj dindec-nga tiyham, nañ akôm tu bu gauc nem aö-nga.” ²⁶ Gauc nem Pômdau ndê yom dinañ ñapep, bu têm bocke nañ mac bu aneñ bolom ti anôm wain Mwasinj Dabuñ-nga tiyham e in mbu meñ, nañ gitôm mac ahoc in ndê mbac ndu ñawaê asê.

Daneñ Mwasinj Dabuñ ñambwa dom

²⁷ Bocdinañ dec asa nañ bu neñ bolom dau me nôm yêc Pômdau ndê laclhu, magoc gauc gêm ñahu ti toc sa ñapep dom, nañ kôm giso pi Pômdau ndê ñandô ti dac. ²⁸ Lau tigen-tigen hon sêtôc gwanin dau si lêt mun su, goc sêneñ bolom ti sênôm yêc laclhu. ²⁹ Ñahu bu asa nañ bu neñ ti nôm magoc in ndê gauc sa ñapep

pi Pômdau ndê ñandô dom,* nañ oc tap Anötö ndê matôc sa tu inñ ndê lêtñ neñ Mwasinñ Dabuñ-ñga. ³⁰ Tu dinañ-ñga dec mac nem lau daêsam licwalô mbasi ma gêmbac kôm ñac, ma ñatô sêmbac ndu su. ³¹ Yac bu tañsahê dauñ ñapep, dec oc datap Pômdau ndê matôc kainñ dinañ sa dom. ³² Magoc Pômdau kêtñ ñawapac têtñ yac ti kêmatôc yac tu bu danem dauñ kwi e dandinñ dawhiñ lau sac nom-ñga dom.

³³ Bocdinañ aneñ asidôwai, añgô ñapep. Têtñ ndoc mac akac daôm sa bu aneñ Mwasinñ Dabuñ, nañ ayob bu akôm ñalêtñ nañ toc asidôwai honñ sa ñapep. ³⁴ Ñamalac dañ bu gêtñ yô inñ basô, nañ neñ gêtñ yêc ndê andu muñ. Ma bocdinañ têtñ ndoc mac akac sa, nañ oc tôm dom bu atap Pômdau ndê matôc sa tu akôm gêtñ bambalinñ-ñga. Gauc nem yom dinañ, ma têtñ ndoc aô watêtñ mac waloc, nañ oc wawhê gêtñ ñatô sa têtñ mac tiyham.

12

Ñalau Dabuñ ndê Mwasinñ Ñalôm-ñga

¹ O asidôwai, yêc mac nem bapia, mac ato yom ñatô pi Ñalau Dabuñ ndê mwasinñ, ma kwahic dec aô bu wato yom bu wawhê mac nem gauc

* **11:29** Lau ñatô gauc gêm bu Pol ndê yom pi 'Pômdau ndê ñandô' hêganôñ gôlôwac dabuñ (tôm inñ to yêc 1 Kor 10:17), dec Pol to bu kêtñ puc lau nañ señ Mwasinñ Dabuñ magoc sêtoc si asidôwai sa ñapep dom (11:17-22). Ma lau ñatô gauc gêm bu yom dau hêganôñ Yisu dau ndê ñandô (1 Kor 10:16), dec Pol to bu kêtñ puc lau nañ sêlic sac gitôm gêtñ ñambwa ma señ Mwasinñ Dabuñ, bu lau dau sêñyalê dom bu gêtñ dau piñ ñac dôtñ sem daminñ Yisu ndê ñandô.

sa napep. ² Mac anyalê ñalêñ nañ Sadañ gêm gôliñ mac nem gauc têtj têtj mac akêñ whiñ su dom, ma wê mac asa lêtj anem akiñ anötöi gwam awha mba-nga. ³ Tu dinañ-nga dec mac oc atôm bu anyalê yom nañ aö bu wasôm têtj mac bocdec bu. Anötö ndê Ñalau bu nem gôliñ ñamalac dañ ndê whasuñ, dec iñ oc têtj dom bu sôm bu, “Aö wapucbo Yisu.” Ma ñamalac nañ Ñalau Dabuñ gêm gôliñ iñ dom, nañ oc têtj dom bu hoc yom asê ma sôm bu, “Yisu iñ Pômdau.”

⁴ Yac datap mwasinñ tidau-tidau sa, magoc menñ akêñ Ñalau tigenñ. ⁵ Ma yac tam akiñ Pômdau ñalêñ tidau-tidau, magoc tam akiñ Pômdau tigenñ. ⁶ Ma yac dakôm gwelenñ tidau-tidau tu danem akiñ Anötö-nga, magoc Anötö tigenñ kôm gwelenñ yêc yac honñ neñ ñalôm, ma kêtj ñaclai têtj yac bu dakôm gêtj dau. ⁷ Ma gêtj honñ nañ lau tigenñ-tigenñ sêkôm ña Ñalau ndê ñaclai, nañ Anötö kêtj tu bu êmwasiñ yac lau honñ nañ dambo gôlôwac dabuñ ñalôm, ma puc yac honñ dôñ.

⁸ Ñalau Dabuñ kêtj yom ti gauc têtj ñamalac dañ bu hoc asê têtj gôlôwac dabuñ. Ma Ñalau tigenñ dinañ kêtj gauc têtj ñamalac dañ tiyham, bu ênyalê gêtj nañ ñahu sip ñalôm gi, ma sôm asê têtj lau. ⁹ Ñamalac dañ oc tap mwasinñ kêtj whiñ ñaŋga-nga sa, ma dañ tiyham oc tap mwasinñ kôm lau ti gêm bac ñayham sa-nga yêc Ñalau tigenñ dinañ. ¹⁰ Ñamalac dañ oc kôc ñaclai bu kôm gêtj dalô, ma dañ oc kôc mwasinñ tu hoc yom asê têtj lau propet-nga. Dañ tiyham oc kôc mwasinñ bu ênyalê bu lau nañ sêhoc yom asê,

naŋ Nalau Dabuŋ gêm gôliŋ ŋac, me ŋalau daŋ dau-ŋga daŋ gêm gôliŋ ŋac. Ma daŋ oc kôc mwasiŋ bu sôm yom awha wakuc-ŋga naŋ iŋ kêyalê muŋ su dom. Ma ŋamalac daŋ tiyham oc tap mwasiŋ sa bu êŋyalê yom awha wakuc-ŋga kaiŋ dinaŋ ma nem kwi. ¹¹ Gweleŋ tidau-tidau hoŋ dinaŋ meŋ akêŋ Nalau tigeŋ dinaŋ, naŋ gic sam iŋ ndê mwasiŋ ti ŋaclai têŋ lau tigeŋ-tigeŋ tôm iŋ dau gêlic ŋayham.

Lau sêkêŋ whiŋ-ŋga sêti gôlôwac dabuŋ tigeŋ

¹² Alic su naŋ. Ŋamalac daŋ ndê ŋandô tigeŋ, magoc iŋ amba ti gahi ma tandô ma ŋagêŋ daêsam. Magoc gêŋ hoŋ dinaŋ sêyêc têtêtêŋ dom, sêyêc ŋandô tigeŋ dinaŋ. Ma ŋalêŋ tigeŋ, yac lau naŋ dambo Kilisi ndê gôlôwac dabuŋ ŋalôm, naŋ dati ŋandô tigeŋ. ¹³ Bu Anötô kêku yac ŋa Nalau Dabuŋ ma piŋ yac dôŋ dati gôlôwac dabuŋ tigeŋ. Yac neŋ lau ŋatô lau Israel-ŋga, ma ŋatô ŋac lau gameŋ apa-ŋga. Ŋatô sem akiŋ ŋadaui nom-ŋga, ma ŋatô sem akiŋ dom. Magoc yac hoŋ dakôc Nalau tigeŋ sip yac neŋ ŋalôm têtêtêŋ.

¹⁴ Ma ŋamalac daŋ ndê ŋandô ŋagêŋ hoŋ kaiŋ tigeŋ dom. Gêŋ tidau-tidau sêyêc ŋandô tigeŋ dinaŋ. ¹⁵ Iŋ ndê gahi bu sôm bu, “Aö amba dom, bocdinaŋ gati ŋandô ŋagêŋ daŋ dom,” dec yom dau oc kac gahi dau su yêc ŋandô dinaŋ dom. ¹⁶ Me iŋ ndê dangasuŋ bu sôm bu, “Aö tandô dom, bocdinaŋ gati ŋandô ŋagêŋ daŋ dom,” dec yom dau oc kac dangasuŋ su yêc iŋ ndê ŋandô dom. ¹⁷ Ma gêŋ hoŋ naŋ sêyêc yac neŋ ŋandô bu tanôŋ hoŋ, dec oc dangô yom ŋalêŋ

bocke? Ma gêñ hoñ nañ sêyêc yac neñ ñandô bu danñsun hoñ, dec oc danñu gêñ ñamalu ñalêñ nde? ¹⁸ Magoc yac neñ ñandô in bocdinañ dom. Anötö dau kêmasañ yac neñ ñandô ñagêñ tidau-tidau hoñ tòm in dau gêlic ñayham. ¹⁹ Ma yac neñ ñandô ñagêñ hoñ bu kain tigen, dec yac oc dambo ñalêñ bocke? Oc tòm dom bu dambo. ²⁰ Magoc yac ñagêñ daêsam sêyêc ñandô tigen dinañ ñalôm, dec dambo ñayham.

²¹ Oc tòm dom bu tandô sôm têt amba, “Am bu mbo dom, aö wambo ñayham eñ.” Ma tòm dom bu ñagôlôn sôm têt gahi, “Am bu mbo dom, oc wambo ñayham eñ.” ²² Mba andô! Yac ñagêñ ñatô dalic bu gêt licwalô mba, tigen gêt dau bu yêc dom, dec oc dambo ñayham dom. ²³ Ma ñandô ñagêñ ñatô nañ dalic bu gêt waêmbe, nañ datoc sa têt ndoc dakôm ahuc ña po. Ma ñagêñ nañ dalic bu gêt mayañ-ñga, nañ dakôm ahuc ti dayob ñapep. ²⁴ Magoc ñagêñ ñatô nañ dalic bu gêt ñayham tu lau sêlic-ñga, nañ sêpônnda gôlôn dom, ma dakôm ahuc dom. Anötö dau kêmasañ yac ñagêñ hoñ dinañ, ma toc gêt ñambwa-ñambwa sa kêlêc. ²⁵ In kêmasañ ñamalac ñalêñ dinañ tu bu ñagêñ hoñ sênem ñandô tigen dinañ sa, ma sêwhê dau kôc-kôc dom. ²⁶ Yac ñagêñ dan bu êñsahê ñandê, dec ñagêñ hoñ oc sêñsahê ñandê sêwhiñ. Ma ñagêñ dan bu tap waê sa, dec ñagêñ hoñ oc atac ñayham sêwhiñ.

²⁷ Angô su nañ! Mac lau tigen-tigen hoñ ati Kilisi ndê ñandô tigen, nañ gôlôwac dabuñ.

²⁸ Ma Anötö kêyaliñ lau sa yêc gôlôwac dabuñ

ɲalôm bocdec bu. Lau ɲamata-ɲga ɲac lau aposel, lau tilu-ɲga lau propet, ma lau titö-ɲga in kên ɲac bu sêndôhôn gôlôwac dabuɲ. Ma in kêmwasinɲ lau ɲatô bu sêkôm gên dalô, ɲatô sêkôm lau gêmbac ɲayham sa, ɲatô bu sênem lau sa, ma ɲatô bu sênem gôlinɲ gôlôwac dabuɲ. Ma ɲatô sêtap mwasinɲ sêsôm yom awha wakuc-ɲga sa. ²⁹ Mac gauc gêm bocke? In kêmwasinɲ lau hoɲ tu bu sêti aposel, a? ɲac hoɲ sêti propet, a? ɲac hoɲ kêdôhônwaga, a? Hoɲ sêkôm gên dalô, a? ³⁰ ɲac hoɲ sêtap mwasinɲ sêkôm gêmbac ɲayham sa-ɲga, a? ɲac hoɲ sêkôc mwasinɲ sêsôm yom awha wakuc-ɲga me sênem yom awha wakuc kwi-ɲga, a? Mba andô! ³¹ Bocdinaɲ dec aö wasôm têt mac, bu tamkwê mwasinɲ ɲandô naɲ oc nem lau hoɲ sa êɲlêc. Ma lêt naɲ kwahic dec aö bu watôc têt mac naɲ hóc gêlêc lêt hoɲ su.

13

Mêtê ɲandô atac whin-ɲga

¹ Aö bu watôm bu wasôm ɲamalac si yom ma aɲela si yom, magoc mêtê atac whin-ɲga m ba yêc aö, naɲ aö gatôm gengeleɲ me oɲ naɲ taɲ ɲambwa. ² Ma aö bu wahoc yom asê gitôm propet, ma bu wanɲalê gên hoɲ naɲ ɲahu sip ɲalôm gi, ma watap gauc atu sa pi gên hoɲ, ma bu wakêt whin ɲaɲga tôm bu wasôm têt lôc daɲ bu puc dau sa ma lom gameɲ wakuc ndi, tigeɲ mêtê atac whin-ɲga mba yêc aö, dec aö gatôm gên ɲambwa. ³ Ma aö bu wakêt aneɲ gên hoɲ tu wanem lau ɲalôm sawa sa-ɲga, me

wakêñ dauñ sambuc tu gwelenñ ñawaê ñayham-
nga e tòm ñacyo sêkêñ ya nenñ aö su, magoc mêtê
atac whiñ-nga bu mba yêc aö, dec oc tòm dom
bu wapo dauñ sa tu gêñ honñ dinanñ ñadanñ-nga.

⁴ Mêtê atac whiñ-nga ñandô ñahu bocdec.
Ñamalac nanñ mêtê atac whiñ-nga kêsâlê inñ
ahuc, nanñ kôc ndê ñalôm dôñ, ma kêmwasinñ lau.
Inñ gêm lêmunñ lau ñatô dom, ma sôm yom toc dau
sa-nga me po dau sa ñambwa dom. ⁵ Inñ kôm
gêñ mayanñ-nga dom, gauc gêm gêñ tu êmwasinñ
dau-nga kêlêc dom, ma atac ñandê ñagahô dom.
Ma inñ hê yom dôñ pi sac nanñ lau sêkôm têtñ inñ,
nanñ dom. ⁶ Mêtê nanñ so lêtñ gitêtñ, nanñ ñadanñ
oc kôm inñ atac ñayham dom, magoc inñ oc atac
ñayham tu lau honñ nanñ sênkuc yom ñandô-nga.
⁷ Inñ oc hôc kisa ti atac pa su. Inñ oc hu inñ ndê kêtñ
whiñ ti gêñ bocke nanñ inñ takwê, nanñ sinñ dom, ma
ñawapac danñ oc ku inñ dulu dom.

⁸ Mêtê atac whiñ-nga oc yêc ñapanñ. Magoc
mêtê dahoc yom asê gitôm propet-nga oc pac-
ndê. Ma mêtê dasôm yom awha wakuc-nga
ma gauc pi gêtñ nanñ ñahu sip ñalôm gi, nanñ oc
sêninnga. ⁹ Ñahu bu têtñ têtñ kwahic dec-nga yac
tanjalê gêtñ honñ timala dom, ma yom nanñ lau
propet sêhoc asê, nanñ tôc gêtñ honñ asê timala
dom. ¹⁰ Magoc têtñ ndoc Yisu mbu menñ, nanñ inñ
oc ndic dabinñ gêtñ honñ, ma mêtê honñ nanñ kwahic
dec dakôm timala dom, nanñ oc pacndê. ¹¹ Têtñ
têtñ nanñ aö gambo balê, nanñ gasôm yom gitôm
balê, ma kayalê gêtñ gitôm balê, ma gakôc gauc
gitôm balê. Magoc têtñ ndoc aö gati ñgac su,
nanñ gahu balêkoc si mêtê sinñ. ¹² Kwahic dec

yac tanyalê gêñ hoñ yêc awê dom, gitôm datôc gwaniñ sip busunôm* ñadauñ-dañ dan. Magoc têtj têtj ñambu-nga yac oc dalic gêñ hoñ yêc awê eñ. Kwahic dec aô kayalê gêñ timala dom, magoc tiñambu aô oc wanjalê gêñ hoñ timala, tòm Anötö kêyalê aô e pi sa timala eñ têtj kwahic dec. ¹³ Mêtê atu tö kwahic dec sêyêc, mêtê dakêñ whiñ-nga, mêtê dakêñ batan-nga, ma mêtê atac whiñ-nga. Magoc mêtê atac whiñ-nga tiñamata mêtê hoñ.

14

Tanjkwê mwasiñ nan tòm bu puc gôlôwac dabuñ dôn

¹ Bocdinañ asap mêtê atac whiñ-nga dôn, ma tamkwê Nalau Dabuñ ndê mwasiñ tidau-tidau. Ma tamkwê mwasiñ bu ahoc yom asê nditôm lau propet hôc gêlêc mwasiñ ñatô su. ² Bu Nalau ndê mwasiñ dasôm yom awha wakuc-nga iñ gêñ ñamata-nga dom. Ñamalac nan sôm yom awha wakuc-nga, nan ndê yom yêc iñ ma Anötö ñasawa, ma lau dan oc s êñyalê dom. Iñ sôm yom nan ñahu yêc siñ dau, tòm Nalau Dabuñ kac iñ. ³ Magoc ñamalac nan hoc yom asê gitôm propet, nan ndê yom gitôm bu po gôlôwac dabuñ sa, ma êñgilí ñac bu sêlhac ñannga ma nem malô ñac si ñalôm. ⁴ Ñamalac nan sôm yom awha wakuc-nga, nan ndê yom dau gêm iñ tawasê sa, magoc ñamalac nan hoc yom asê gitôm propet, nan ndê yom oc tòm bu po gôlôwac

* **13:12** Busunôm - lau ñatô sêsam bu glas tasalagatu, ma yêc Yom Inglis sêsôm bu 'mirror.'

dabuŋ hoŋ sa. ⁵ Aö tac whiŋ bu mac hoŋ asôm yom awha wakuc-ŋga, tigenŋ aö tac whiŋ kêlêc bu mac ahoc yom asê atôm propet. Bu ŋamalac naŋ hoc yom asê gitôm propet, naŋ ndê mwasiŋ hóc gêlêc iŋ naŋ sôm yom awha wakuc, naŋ ndê su. Magoc ŋamalac daŋ bu mbo mac nem gôlôwac dabuŋ ŋalôm, naŋ kôc mwasiŋ bu nem yom awha wakuc-ŋga kwi têtŋ mac, dec yom dau oc tôm bu nem mac sa, tôm yom naŋ ŋamalac hoc asê gitôm propet.

Mwasiŋ dasôm yom awha wakuc-ŋga ŋahu

⁶ O asidôwai, aŋgô su naŋ. Aö bu watêtŋ mac waloc, ma wasôm yom têtŋ mac ŋa awha wakuc daŋ, dec oc wanem mac sa ŋalêtŋ bocke? Ti geŋ aö bu waloc ma Ŋalau Dabuŋ kêŋ yom têtŋ aö, tu bu wahoc asê têtŋ mac, me tu wawhê nem gauc sa me wandôhôn mac-ŋga me wahoc asê gitôm propet, dec aneŋ yom dau oc nem mac sa.

⁷ Akôc gauc pi gêtŋ naŋ dakôc tu danem wê sip-ŋga, gitôm gasuc me gita. Ŋamalac daŋ bu yu me ndic ŋapep dom, dec asa oc tôm bu êŋyalê wê dau ŋawa? ⁸ Ma ŋgac ndic dahuc-ŋga bu ndic ŋapep dom, dec asa oc êmasaŋ dau tu ndic siŋ-ŋga? ⁹ Ma mac lau naŋ asôm yom awha wakuc-ŋga yêc gôlôwac dabuŋ ŋalôm, naŋ bocdinaŋ. Bu yom kaiŋ dinaŋ ŋahu yêc awê dom, ma lau oc sêŋyalê ŋalêtŋ bocke? Mac oc asôm yom dau tôm gêtŋ ŋakêcsia ŋambwa-ŋambwa.

¹⁰ Lau nom-ŋga si awha têtŋtêtŋ daêsam yêc, ma lau naŋ sêsôm dau si awha, naŋ sêŋyalê ŋahu. ¹¹ Ŋgac daŋ bu sôm dau ndê awha ma aö bu waŋyalê ŋahu dom, dec aö walic iŋ gitôm

ngac apa, ma in oc lic aö bu ngac apa bocdinañ. ¹² Ma yêc mac-nga bocdinañ. Mac tamkwê Nalau Dabuñ ndê mwasiñ, bocdinañ dec tamkwê mwasiñ nañ tòm bu po gôlôwac dabuñ sa, nañ hóc gêlêc mwasiñ ñatô, tu bu akôm gôlôwac dabuñ êñsôwec tiatu.

¹³ Bocdinañ dec ñamalac nañ sôm yom awha wakuc-nga, nañ teñ mbec bu Anötö kên mwasiñ nem yom dau kwi-nga têt in whiñ mañ. ¹⁴ Bu têt ndoc aö gateñ mbec ña yom awha wakuc-nga, nañ aö dauñ neñ gatuj teñ mbec, magoc aneñ gauc kêkuc mbec dau dom. ¹⁵ Bocdinañ aö oc wakôm sake? Aö wateñ mbec ña awha wakuc nañ aneñ gatuj kêyalê, ma wateñ mbec ña aö dauñ neñ awhañ nañ kayalê ñahu, nañ whiñ. Aö wanem wê awha wakuc nañ aneñ gatuj kêyalê, ma wanem wê ña dauñ neñ awhañ nañ kayalê ñahu, nañ whiñ. ¹⁶ Am bu êmpiñ Anötö ña yom awha w akuc-nga, tòm nem gatôm kêyalê, ma ñamalac dañ bu mbo gôlôwac dabuñ ñalôm nañ kêyalê awha dau dom, dec in oc tòm dom bu sôm, “Yomandô,” têt ndoc am gic bata nem yom. Nahu bu in gêm gauc yom nañ am sôm. ¹⁷ Am daôm gêm d anje Anötö ñapep, magoc am nem yom gêm ñamalac dinañ sa dom.

¹⁸ Aö gam danje Anötö bu in kên mwasiñ wasôm yom awha wakuc-nga têt aö hóc gêlêc mac hoñ su. ¹⁹ Magoc têt têt nañ aö gambo gôlôwac dabuñ ñalôm, nañ aö tac whiñ bu wasôm yom nañ lau hoñ sênjalê, tu bu wandôhôn ñac-nga. Aö bu wasôm yom ñalhô amanñ nañ ñahu yêc awê, nañ hóc gêlêc bu

wasôm yom awha wakuc-nga ñalhô 10,000, nañ lau hoñ sêñyalê ñahu dom.

²⁰ O asidôwai hac. Akôc gauc ñapep, atôm lau atu-tu. Akôc gauc atôm balêkoc saun dom. Ambo atôm balêkoc dedec tu gêñ tigen-nga, nañ tu ambo ahê lêñ sac-nga. ²¹ Gauc nem yom nañ Pômdau sôm, nañ sêto yêc bocdec bu:

Aô wañkinj lau apa sênem aô awhañ ma wakênj puc lau ðindec ña lau apa dau awha. Magoc ñac oc sêkênj dañga aô dom, tôm sêkênj dañga aneñ yom mun su dom. *[Ais 28:11-12]*

²² Pômdau kênj lau nañ sêsôm yom awha apa gitôm gêñ dalô kainj dañ, bu kênj puc lau Israel-nga nañ sêkênj whiñ inj dom. Ma mwasiñ dasôm yom awha wakuc-nga inj kainj tigenj. Anötö kênj gitôm gêñ dalô tu lau nañ sêkênj whiñ dom-nga. Inj kênj tu lau sêkênj whiñ-nga-nga dom. Magoc mwasiñ dahoc yom asê tôm propet-nga, nañ inj kênj tu lau sêkênj whiñ-nga-nga. Inj kênj tu lau nañ sêkênj whiñ dom nañ-nga dom.*

²³ Bocdinañ, mac lau akênj whiñ-nga bu akac daôm sa ma mac hoñ bu asôm yom awha wakuc-nga, ma lau ñatô nañ sêkênj whiñ dom me si

* **14:22** Aisaya ndê yom, nañ Pol to yêc ñabatiñ 21, nañ hêganônj lau apa nañ Pômdau kêkinj bu sêñgwiniñ lau Israel-nga nañ sêsôc inj ñapu ti sêkênj whiñ inj dom. Pol gêm dôhônj lau apa awha, nañ lau Israel si ñacyo dinañ sêsôm, ma mwasiñ dasôm yom awha wakuc-nga. Lau Israel-nga sêkac si ñalôm kwi tu lau apa si yom-nga dom, ma Pol bu tôle asê bu ñalênj tigenj, yom awha wakuc oc nem lau nañ sêkênj whiñ dom, nañ sa dom, me kac si ñalôm kwi e sêti lau sêkênj whiñ-nga dom. Ñabatiñ 23 whê gêñ dau sa tiawê.

gauc sa pi gêñ dau dom, nañ bu sêmbô sêwhiñ mac, dec ñac oc sêsôm sake? Ñac oc sêsôm bu mac nem gauc kêñsôn. ²⁴ Magoc mac hoñ bu ahoc yom asê atôm propet têtñ ndoc lau kainñ dinañ sêmbô sêwhiñ mac, dec mac nem yom oc kuñ ñac si ñalôm e sêñyalê bu sic waê bu sêtap matôc sa tu ñac si mêtê sac-ñga. ²⁵ Ma yom pi ñac si mêtê sac, nañ ñac gauc gêm bu sêsïñ yêc ñac si ñalôm, nañ mac nem yom oc puc asê tiawê. Ma bocdinañ ñac oc sêpônñ haduc añgô andô têtñ nom ma sêtoc Anötö sa. Ma ñac oc sêsôm asê bu, “Anötö mbo whiñ mac, yomandô!”

Pol whê ñagôliñ om-ñga sa

²⁶ Bocdinañ asidôwai, têtñ ndoc mac akac daôm sa tu alic om-ñga, nañ lau ñatô sêkôc wê sêmeñ, lau ñatô sêkôc yom bu sêndôhônñ lau, lau ñatô sêkôc yom nañ Ñalau Dabuñ hoc asê têtñ ñac, ñatô sêsôm yom awha wakuc-ñga, ma ñatô sênem yom awha wakuc-ñga dau kwi. Gêñ hoñ nañ mac bu akôm, nañ akôm tu apuc gôlôwac dabuñ hoñ dôñ-ñga. ²⁷ Lau bu sêsôm yom awha wakuc-ñga, dec lu me tö sêsôm goc tôm. Dañ sôm e pacndê, goc ñamalac tilu-ñga sôm ndê. Ma ñamalac dañ nem ñac si yom dau kwi mañ. ²⁸ Magoc ñamalac nem y om dau kwi-ñga dañ bu mbo dom, goc ñamalac nañ tac whiñ bu sôm y om awha wakuc-ñga nem dau dôñ yêc gôlôwac dabuñ ñalôm. Tôm bu iñ sôm iñ ndê yom awha wakuc-ñga têtñ ndoc iñ mbo tawasê, ma yom dau yêc iñ ma Anötö ñasawa.

²⁹ Ma lau bu sêhoc yom asê sêtôm propet yêc gôlôwac dabuñ ñalôm, dec lu me tö sêhoc yom

asê, ma lau hoŋ sêkêŋ danŋa ŋapep ma sêŋsahê yom dau. ³⁰ Ŋamalac dan bu ndöc mac ŋalôm, ma Ŋalau Dabuŋ bu hoc yom dan asê têtŋ in, dec ŋamalac naŋ sôm yom mbo, naŋ hu siŋ ma kêtŋ ŋasawa têtŋ ŋamalac dinaŋ bu sôm yom dau asê. ³¹ Gitôm bu mac hoŋ ahoc yom asê atôm propet aô daôm aô daôm, bu andôhôn ti apuc gôlôwac dabuŋ hoŋ dôŋ. ³² Lau naŋ sêtap mwasiŋ sa bu sêhoc yom asê sêtôm propet, naŋ sêtôm bu sênem gôliŋ dau si lêtŋ sêhoc yom dau asê-ŋga. ³³ Bu Anötö tec bu in ndê lau sêkôm gêtŋ bambaliŋ. In Anötö yom malô-ŋga.

Anötö ndê gôlôwac dabuŋ hoŋ sêŋkuc lêtŋ tigeŋ bocdec bu. ³⁴ Têtŋ ndoc mac akac sa tu alic om-ŋga, naŋ lauwê sêsôm yom dom sic ŋawaê. Ŋac sêsôc laungac ŋapu tôm yomsu sôm, ma sênem dau dôŋ. ³⁵ Awhê dan bu ŋgô yom dan naŋ in kêyalê ŋahu dom, naŋ nem dau dôŋ e om pacndê, ma ndac nakweŋ têtŋ ndoc inlu sêmbo si andu. In bu sôm yom yêc gôlôwac dabuŋ ŋalôm, naŋ gêtŋ mayan-ŋga.

³⁶ Mac lau Korin-ŋga bu atec aneŋ yom dindec, goc wandac mac bocdec bu. Anötö kêtŋ ndê yom têtŋ mac tamwasêm, me kêtŋ têtŋ mac muŋ bu andic dulu têtŋ lau ŋatô, a? ³⁷ Asa naŋ gauc gêm bu in propet dan, me tap Ŋalau Dabuŋ ndê mwasiŋ sa kêtêc, naŋ ênyalê bu yom naŋ gato têtŋ mac, naŋ Pômdau dau ndê yatu. ³⁸ Ŋamalac dan bu kôc aneŋ yom sa dom, naŋ Pômdau oc kôc in sa dom. ³⁹ Bocdinaŋ aneŋ asidôwai, tamkwê mwasiŋ bu ahoc yom asê atôm lau propet, ma alhac lau naŋ sêsôm yom awha

wakuc-nga, naŋ ahuc dom. ⁴⁰ Magoc têtŋ ndoc mac bu alic om, naŋ akôm gêtŋ hoŋ ŋapep ma aŋkuc lêtŋ solop.

15

Pol puc yom naŋ iŋ hoc asê pi Yisu, naŋ dôn

¹ O asidôwai, aö bu wawhê mac nem gauc sa tiyham pi ŋawaê ŋayham naŋ gahoc asê têtŋ mac muŋ su. Mac akôc ŋawaê dau sa, ma ti mac nem akêtŋ whiŋ ŋahu. ² Ŋawaê ŋayham naŋ gahoc asê têtŋ mac, naŋ tôc lêtŋ Anötö nem mac si-nga asê, ma bocdinaŋ dec asap dôn ŋapaŋ. Mac bu asap dôn dom, dec mac nem akêtŋ whiŋ oc tisac ma ŋandô mbasi.

³ Bu yom naŋ gac dulu têtŋ mac, naŋ kêkuc yom naŋ aö daun gaŋgô muŋ su. Ma yom naŋ atu ma tiŋamata aneŋ yom hoŋ, naŋ bocdec bu. Kilisi mbac ndu tu yac neŋ sac-nga, tôm yom naŋ sêto yêc, naŋ sôm. ⁴ Lau sêŋsuhun iŋ, ma têtŋ bêc titö-nga Anötö uŋ iŋ sa, tôm sêto yêc naŋ. ⁵ Goc iŋ hoc dau asê têtŋ Pita, ma têtŋ lau ŋatô naŋ sêmbo †ŋgacsêŋomi 12 si toŋ. ⁶ Ma tiŋambu iŋ hoc dau asê têtŋ asidôwai toŋ atu naŋ sêmbo sêwhiŋ dau. Ŋac lau daêsam, sêhóc gêlêc 500 su. Kwahic dec ŋac si lau ŋatô sêmbac ndu su, magoc daêsam gacgeŋ sêmbo tali. ⁷ Tiŋambu iŋ hoc dau asê têtŋ Jems ma têtŋ lau aposel hoŋ. ⁸ Ma tiŋambu andô iŋ hoc dau asê têtŋ aö daun, naŋ gati aposel gitôm balêkoc naŋ dinda kôc so ndê têm. ⁹ Bu aö galic daun tôm lau aposel si ŋgac ŋambu-nga solop. Sêsam aö bu aposel, magoc aö ŋgac ŋayham dom bu sêhê ŋaê aposel pi aö.

Ŋahu bu muŋ-ŋga lê aö gakêŋ kisa Anötö ndê lau sêkêŋ whiŋ-ŋga. ¹⁰ Magoc tu Anötö kêmwasin aö-ŋga, dec aö gati aposel, ma inŋ ndê mwasinŋ dau meŋ ŋambwa dom. Mba! Bu aö gakôm gwelenŋ gahoc gêlêc Kilisi ndê aposel hoŋ su. Magoc aö dauŋ gakôm dom. Anötö ndê mwasinŋ puc aö dônŋ, dec kêŋ ŋaclai têŋ aö bu wakôm gwelenŋ. ¹¹ Bocdinaŋ anŋyalê ŋapep bu yom naŋ aö gahoc asê pi Kilisi, ma aposel hoŋ sêhoc asê, inŋ yom tigenŋ. Ma yom dau ti mac nem akêŋ whiŋ ŋahu.

Lau batê oc sêtisa

¹² Yac am mêtê ma ahoc asê bu Anötö uŋ Kilisi sa akêŋ lau batê-ŋga. Ma bocdinaŋ bocke dec mac nem lau ŋatô sêsôm bu lau batê oc sêtisa dom? ¹³ Anŋô! Inŋ bu yom ŋandô bu lau batê sêtôm dom bu sêtisa, dec tôm dom bu Kilisi dau tisa ma mbo tali tiyham bocdinaŋ. ¹⁴ Ma Kilisi bu tisa su dom, dec mêtê naŋ yac am, naŋ oc ŋahu mbasi, ma mac nem akêŋ whiŋ ŋahu mbasi bocdinaŋ. ¹⁵ Ma gêŋ daŋ tiyham. Yac lau aposel am mêtê ma asôm bu Anötö uŋ Kilisi sa akêŋ lau batê-ŋga. Magoc mac asôm bu lau batê oc sêtisa dom. Mac nem yom bu yom ŋandô, dec mêtê naŋ yac ahoc asê pi Anötö, naŋ yom tasanŋ. ¹⁶ Bu lau batê bu sêtisa dom, dec Kilisi dau tisa su dom. ¹⁷ Ma inŋ bu yom ŋandô bu Anötö uŋ Kilisi sa su dom, dec mac nem akêŋ whiŋ oc ŋandô mbasi, ma mac nem sac gacgeŋ yêc mac-ŋga. ¹⁸ Ma Anötö bu uŋ Kilisi sa su dom, dec lau naŋ sêkêŋ whiŋ Yisu ma sêmbac ndu su, naŋ gacgeŋ sinŋa su. ¹⁹ Tu Kilisi-ŋga dec yac dakêŋ batanŋ

bu Anötö oc uŋ yac hoŋ sa têt têt nambu-ŋga. Yom dau bu yom nandô dom, dec gêt naŋ dakêt batan, naŋ gêt têt kwahic dec-ŋga nambwa ma nandô mbasi têt têt nambu-ŋga. Ma lau hoŋ oc sêpu yac ma sêlic yac tôm lau gauc mbasi-ŋga.

²⁰ Magoc Anötö uŋ Kilisi sa akêt lau batê-ŋga yomandô. In gitôm lau hoŋ naŋ sêmbac ndu su, naŋ si ŋgac mbêc. ²¹ Namalac tigen ti dambac ndu nahu. Ma namalac tigen ti datisa akêt lau batê-ŋga nahu. ²² Yomandô! Tu Adam-ŋga dec yac hoŋ dawêkain seŋ dambac ndu-ŋga. Magoc tu Kilisi-ŋga dec lau naŋ sêkêt whin in, naŋ sêwêkain seŋ sêmba tali-ŋga. ²³ Tigen lau naŋ sêmbac ndu, naŋ oc sêtisa tôm nandoc. Kilisi tisa muŋ, gitôm gêt nandô mbêc. Ma têt ndoc in mbu meŋ, naŋ lau naŋ sêti in ndê, naŋ oc sêtisa. ²⁴ Têt dinan in oc ndic bata têt kwahic dec-ŋga, ma in oc seŋ ŋaclai ti ŋagôlin hoŋ su, ma kêt gêt hoŋ sip Daman Anötö amba bu nem gôlin. ²⁵ Bu Kilisi gic waê bu nem gôlin e in kêt in ndê nacyo hoŋ sêsôc in gahi ŋapu. ²⁶ Ma nacyo nambu-ŋga naŋ in oc seŋ su, naŋ ŋaclai dambac ndu-ŋga. ²⁷ Sêto yom yêc bocdec bu:

In kêt gêt hoŋ sêsôc in gahi ŋapu. *[BW 8:6]*

Yom dinan pi ‘gêt hoŋ,’ naŋ hêganôn Anötö dom, bu Anötö dau kêt ŋaclai têt Kilisi pi gêt hoŋ. ²⁸ Tigen têt ndoc Anötö ndê Atu dau kêt gêt hoŋ sêsôc in ndê gôlin ŋapu su, naŋ goc in dau oc sôc Anötö ŋapu. Ma bocdinan Anötö tigen oc ti natau ma nem gôlin gêt hoŋ.

²⁹ Anötö oc uŋ lau batê sa têt têt nambu-ŋga, yomandô. Bu bocdinan dom, dec tu sake-ŋga

lau ñatô sêlin sanġu tu lau nañ sêmbac ndu su-
 ñga?*

³⁰ Ma gauc nem yac lau aposel. Tu sake-
 ñga yac ahôc ñawapac ti kisa ñapañ tu gwelen
 ñawaê ñayham-ñga? ³¹ O asidôwai. Aö gapo
 mac nem waêm sa tu mac nem akêñ whiñ yac
 neñ Pômdau Yisu Kilisi-ñga. Mac anyalê bu yom
 dau in yom ñandô, dec anyalê bu yom dec in
 yom ñandô bocdinañ. Lau sêkôm bu sêndic aö
 ndu tôm bêc hoñ. ³² Yêc malac Epesas lau sêkêñ
 kisa aö gitôm bôclai sac, magoc aö gac siñ têt
 ñac ti ñañga. Magoc lau batê bu sêtisa dom,
 tôm mac nem lau ñatô sêsôm, dec aö neñ gwelen
 ñawaê ñayham-ñga in ñamalac ñambwa si gêt,
 ma oc nem aö sa dañ dom. Bu bocdinañ dec
 dakôm tôm yom nañ sêto yêc bocdec bu:

Gauc nem gêt daneñ ti danôm-ñga eñ, bu
 ñasawa apê eñ yac oc dambac ndu ma
 dandinañ. *[Ais 22:13]*

³³ Ayob daôm bu lau sêñsau mac dom. Gauc
 nem yom nañ sêsôm bocdec bu, “Mac bu ambo
 awhiñ lau nañ sêkôm mêtê sac, dec mêtê sac dau
 oc kôm mac nem mêtê ñayham tisac whiñ.” ³⁴ Aö
 wasôm têt mac bu mayam daôm, bu mac nem
 lau ñatô sêsa si lêt gitôm sem gauc Anötö ma
 sêsap mêtê sac dêt ñapañ. Bocdinañ akôc gauc
 ñapep ma ahu mêtê sac siñ gacgeñ.

* **15:29** Mêtê dau ñahu yêc awê dom, magoc Pol ndê yom tôc asê
 bu lau Korin ñatô sêlin sanġu tu ñac si lau nañ sêmbac ndu-ñga.
 Mboe lau batê dinañ sêkêñ whiñ Yisu su, magoc sêlin busanġu
 su dom têt ndoc sêmbo tali, ma tu dinañ-ñga dec lau ñatô sêlin
 sanġu tu ñac-ñga. Pol sôm bu mêtê dinañ in solop me so dom,
 magoc in sôm yom pi mêtê dau tu bu puc in ndê yom pi lau batê
 sêtisa-ñga nañ dêt.

Lau oc sêtisa ti ñamlic kainj bocke?

³⁵ Mboe mac nem lau ñatô oc sêndac, “Anötö oc uñ lau batê sa ñalêñ bocke?” me “Lau batê oc sêtisa ti ñamlic kainj bocke?” ³⁶ Yom dau in yom gauc mbasi-nga. Anğô! Gêñ nan mac asô sip nom, nan bu tibalê dom, dec oc po pi meñ dom. ³⁷ Mac bu asô gêñ ñamatu gitôm yangom me gêñ ñawhê ñatô, dec mac asô gêñ dau ñagatôm nan oc po pi meñ tiñambu, nan dom, magoc asô ñamatu ñambwa sip nom. ³⁸ Ma Anötö dau kêñ gêñ ñagatôm têtñ gêñ ñawhê tôm in dau kêmasañ su. In kêñ ñagatôm tidau-tidau têtñ gêñ ñawhê tigen-tigen. ³⁹ Ma ñagatôm ti ñamlic nan in kêñ têtñ gêñ hoñ, nan sêtôm dau d om. In kêñ ñamalac si ñamlic kainj dan, ma bôc si kainj dan, ma mbac ti i bocdinañ. ⁴⁰ Gêñ undambê-nga sêmbo ti ñac si ñawasi kainj dan, ma gêñ nom-nga sêmbo ti ñac si ñawasi kainj dan bocdinañ. ⁴¹ Ac ti ayô ma tata hoñ si ñawasi têtñtêtñ. Ma tata hoñ si ñawasi gitôm dau dom. ⁴² Ma têtñ ndoc lau batê sêtisa, nan oc ñalêñ kainj tigen. Lau batê nan tañsuhun sip nom, nan si ñamlic in gêñ têtñ kwahic dec-nga, ma tôm dom bu yêc ñapañ. Magoc Anötö oc uñ sa ma nem kwi ti gêñ yêc ñapañ-nga. ⁴³ Gêñ nan tañsuhun in gêñ waêmbe, magoc Anötö oc uñ sa ma kôm ti gêñ tiwaê. Tañsuhun gêñ ñaclai mba, magoc Anötö oc uñ sa ti ñaclai. ⁴⁴ Bu yac tañsuhun ñamlic nom-nga, magoc Anötö oc uñ sa ti ñamlic wakuc undambê-nga. Yac tañyalê bu ñamlic nom-nga dec yêc, ma ñamlic undambê-nga yêc bocdinañ. ⁴⁵ Anötö kêmasañ ñamalac si ñamlic nom-nga,

tôm yom naŋ sêto yêc bocdec bu:

Ngac ŋamata-ŋga Adam iŋ ti gêŋ tali. *[Gen 2:7]*

Ma Adam ŋambu-ŋga, naŋ Kilisi dau, naŋ tisa ti ŋamlic undambê-ŋga. Ma yac oc dambo taŋli tu iŋ-ŋga, ma datap neŋ ŋamlic wakuc undambê-ŋga sa, tôm iŋ ndê. ⁴⁶ Yac dakôc ŋamlic undambê-ŋga muŋ dom, magoc dakôc ŋamlic nom-ŋga muŋ, ma tiŋambu oc datap ŋamlic undambê-ŋga sa. ⁴⁷ Ŋamalac ŋamata-ŋga meŋ akêŋ nom. Magoc ŋamalac tilu-ŋga meŋ akêŋ undambê. ⁴⁸⁻⁴⁹ Kwahic dec yac hoŋ dambo datôm ŋamalac nom-ŋga ŋamata-ŋga dinaŋ. Dinaŋi sêkôc yac bu dambo datôm ŋamalac nom-ŋga dinaŋ. Magoc lau naŋ sêmbo undambê, naŋ sêmbo sêtôm ŋ amalac undambê-ŋga, ma tiŋambu yac oc datiwakuc, ma dambo datôm ŋamalac undambê-ŋga.

⁵⁰ Bocdinaŋ aneŋ asidôwai, aô wasôm têŋ mac bu yac datôm dom bu dasôc Anötö ndê gameŋ undambê-ŋga ti neŋ ŋamlic têm kwahic dec-ŋga. Bu yac neŋ dac ti ŋamsôm iŋ gêŋ yêc ŋapaŋ-ŋga dom, ma tôm dom bu wêkaiŋ gameŋ dandôc taŋli ŋapaŋ-ŋga. ⁵¹ Aô bu wasôm yom ŋahu atu daŋ têŋ mac aŋgô. Yac hoŋ oc dambac ndu dom, magoc Anötö oc nem yac hoŋ kwi ma kêŋ ŋamlic wakuc têŋ yac. ⁵² Têŋ bêc ŋambu-ŋga dahuc oc taŋ, ma sep tigeŋ lau batê oc sêtisa ti ŋamlic wakuc sêndôc tali ŋapaŋ-ŋga. Ma Anötö oc nem yac lau naŋ dambo taŋli, naŋ kwi dawhiŋ, ma kêŋ ŋamlic wakuc têŋ yac. ⁵³⁻⁵⁴ Bu ŋamlic nom-ŋga oc tôm dom bu yêc ŋapaŋ, ma gic waê bu niŋga. Bocdinaŋ têŋ bêc ŋambu-ŋga

Anötö oc nem ñamlic nom-nga kwi ti gêñ yêc ñapañ-nga, nañ tòm dom bu ñinga. Gauc nem yom nañ sêto yêc bocdec bu:

Anötö ku ñaclai dambac ndu-nga dulu su, ma pacndê sambuc. *[Ais 25:8]*

Yom dau oc ñandô sa têtñ bêc ñambu-nga.

⁵⁵ O ñaclai dambac ndu-nga, am oc ku yac dulu ñalêñ bocke? Am nem ñamalic ndic yac ndu-nga yêc nde? *[Hos 13:14]*

⁵⁶ Ñamalic nañ wê yac dasa señ dambac ndu-nga, nañ mêtê sac. Ma yomsu kêtñ ñaclai têtñ mêtê sac. ⁵⁷ Magoc danem danje Anötö nañ ku yac neñ ñacyo dulu tu yac neñ Pômdau Yisu Kilisi-nga. ⁵⁸ Bocdinañ, aneñ asidôwai atac whiñ-nga, alhac ñaŋga ma ayob daôm bu gêtñ dañ ku mac dulu dom. Akêtñ nem ñalôm sambuc tu Pômdau ndê gwelen-nga. Bu mac aňyalê su bu gêtñ bocke nañ mac akôm tu Pômdau-nga, nañ gêtñ ñandô mbasi-nga dom. Oc nem ñandô!

16

Sêkêtñ da bu sênem lau sêkêtñ whiñ-nga ñatô sa

¹ Aô wasôm yom pi awa nañ mac bu andic sa bu anem Anötö ndê lau dabuñ Jerusalem-nga sa. Akôm tòm yom nañ aô gasôm têtñ gôlôwac dabuñ nañ sêmbo gameñ Galesia-nga, nañ su. ² Tòm wake ñabêc ñamata-nga sambob, mac tigen-tigen andic nem awa da-nga sa tòm awa nañ mac tigen-tigen atap sa yêc wake dinañ ñalôm. Andic sa gwanañ ma akêtñ ndöc. Ma têtñ ndoc aô wahôc asê mac yêc malac Korin, nañ oc wakêtñ

ņawapac tēņ mac bu andic sa tēņ tēm dinaņ-ņga dom. ³ Aņyaliņ lau ņatô sa naņ mac alic ņayham bu sêkôc mac nem da dau, ma sêkēņ tēņ gôlôwac dabuņ Jerusalem-ņga. Ma tēņ ndoc aô wahôc asê mac, naņ wato bapia puc ņac dôn-ņga ma waņkiņ ņac sêndi. ⁴ Ma aô bu walic tôm bu aô dauņ watēņ Jerusalem wandi, goc yac aņsêlēņ awhiņ dauņ.

Pol ti lau ņatô oc sêndic lau Korin kēsi

⁵ Aô gauc gēm bu wandic lau gameņ Masedonia-ņga kēsi, ma tiņambu watēņ mac waloc. ⁶ Aô bu wambo wawhiņ mac ņasawa baliņ, mboe aô oc wambo e ndoc uhô-ņga pacndê. Ma bocdinaņ oc tôm bu mac anem aô sa tu seņ bocke naņ wasa tiņambu-ņga. ⁷ Aô gakēņ batāņ bu Pômdau oc kēņ ņasawa baliņ tēņ aô tu wambo wawhiņ mac-ņga. Magoc aô bu waloc ņagahô, d ec oc tôm dom bu wambo wawhiņ mac ņasawa baliņ. ⁸ Kwahic dec aô oc gacgeņ wambo malac Epesas e Om †Pentikos-ņga pacndê. ⁹ ņahu bu Pômdau gêlêc gatam su bu wakôm gwelenē atu daņ yêc dindec e ņandô sa. Ma gēņ daņ whiņ, naņ lau daêsam sêkēņ kisa aô yêc dec.

¹⁰ Timoti bu hôc asê mac, naņ goc akôc iņ sa ti yom malô, tu bu iņ mbo whiņ mac ti atac pa su eņ. ņahu bu iņ kôm Pômdau ndê gwelenē tôm aô gakôm. ¹¹ Alic bu lau daņ sêtec iņ me sêpu iņ dom. Ma tēņ ndoc iņ bu mbu tēņ aô meņ, naņ aņkiņ iņ lhô meņ ti yom malô. Aô gakēņ batāņ bu ņasawa sauņ Timoti ma asidôwai ņatô oc sêmbu sêtēņ aô sêmeņ.

¹² Yom pi yac neŋ asidôwa Apolos wasôm bocdec bu. Aö gatenŋ inŋ tidim daêsam bu êŋsêlêŋ whiŋ asidôwai ŋatô ma têtŋ mac loc. Kwahic dec inŋ sôm bu inŋ oc loc dom, magoc têtŋ ndoc inŋ tap ŋasawa ŋayham danŋ sa, nanŋ inŋ oc loc.

Yom ŋambu-ŋga

¹³ Anem ali, asap nem mêtê akêŋ whiŋ-ŋga dôŋ ŋapanŋ, ma alhac ŋaŋga ti nem ŋalôm pêŋ dôŋ. ¹⁴ Ma akôm nem gêtŋ hoŋ ti mêtê atac whiŋ-ŋga.

¹⁵ O asidôwai. Mac aŋyalê bu Stepanas ma lau hoŋ nanŋ sêmbo inŋ ndê andu, nanŋ sêti lau ŋamata-ŋga tu sêkêŋ whiŋ Yisu-ŋga yêc mac nem gameŋ Akaya-ŋga. Ma ŋac sêkêŋ si ŋalôm sambuc tu sênem akiŋ Anötô ndê lau dabuŋ-ŋga. Kwahic dec aö bu wandac mac bocdec bu. ¹⁶ Lau kaiŋ dinaŋ, ma lau asa nanŋ sêlhac sêwhiŋ ŋac ma sêkôm gwelenŋ ŋawaê ŋayham-ŋga, nanŋ asôc ŋac ŋapu. ¹⁷ Têtŋ ndoc Stepanas lu Fotunatas ma Akayakus sêmeŋ akêŋ Korin ma sêhóc asê aö, nanŋ sêkôm aö atac ŋayham atu. Nahu bu ŋac sêkôm mac hoŋ aŋôm sêtêŋ aö sêmeŋ. ¹⁸ Nac sêkôm aö neŋ ŋalôm tighô, tôm sêkôm mac nem ŋalôm tighô têtŋ têm sêmbo sêwhiŋ mac. Tu dinaŋ-ŋga dec wasôm têtŋ mac bu atoc lau kaiŋ dinaŋ sa ŋapep.

Pol ti lau ŋatô sêkôm acsalô têtŋ lau Korin-ŋga

¹⁹ Gôlôwac dabuŋ titoŋ-titoŋ hoŋ nanŋ sêmbo gameŋ Esia-ŋga dindec, nanŋ sêkêŋ si acsalô ŋayham têtŋ mac hoŋ. Ma Akwila lu Prisila ti gôlôwac dabuŋ nanŋ sêkac sa yêc inŋlu si andu, nanŋ sêkêŋ acsalô ŋayham ti atac whiŋ têtŋ mac

tu Pômdau-nga. ²⁰ Ma asidôwai honɛ nan sêmbogameɛ dindɛc sêkêɛ acsalô têɛ mac bocdinaɛ. Mac honɛ akam daôm, aɛkuc Anötö ndê lau dabuɛ si lêɛ.

²¹ Aö Pol gato yom dindɛc ɛa dauɛ amanɛ tu bu wakêɛ aneɛ acsalô têɛ mac-nga.

²² Njamalac danɛ bu atac tec Pômdau, nan Anötö pucho iɛ. O Pômdau, mbu mweɛ!

²³ Pômdau Yisu ndê mwasiɛ têɛ mac. ²⁴ Aö bu wakêɛ aneɛ atac whiɛ têɛ mac lau akêɛ whiɛ Yisu Kilisi-nga honɛ.

Anötö ndê Yom Lêñsêm Wakuc
Bugawac: Anötö ndê Yom Lêñsêm Wakuc New
Testament

copyright © 2013 Lutheran Bible Translators Australia

Language: Bugawac

Contributor: Wycliffe Bible Translators, Inc.

All rights reserved.

2020-11-11

PDF generated using Haiola and XeLaTeX on 29 Sep 2022 from source
files dated 17 May 2022

1dcc5a6c-3c1e-54e8-aa77-af18a3782048